

摘藻堂四庫全書薈要

集部

欽定四庫全書薈要

集部

庚子山集卷九

十九

詳校官原任編修臣徐立綱



欽定四庫全書薈要卷一萬三千五百四十六

集部

庾子山集卷九

周庾信撰

錢塘倪璠纂註

連珠
擬連珠

傅玄敘連珠曰所謂連珠者興於漢章之世班固賈逵傳毅三子受詔作之其文體辭麗而言約不指說事情必假喻以達其旨而覽者微悟合於古詩諷興之義欲使歷歷如貫珠易看而可悅故謂之連珠陸機復引舊義以廣之謂之演連珠信復擬其體以喻梁朝之興廢焉觀其

辭旨悽切略同
於江南之賦矣

蓋聞經天緯地之才拔山超海之力

左氏傳曰經天緯地曰文史記項羽

歌曰力拔山兮氣蓋世孟子曰拔泰山以超北海

戰陣勇於風飈謀謨出於胸

臆

揚雄曰風發飈拂師古曰飈迴風也

斬長鯨之鱗截飛虎之翼

左氏傳曰古者

明王伐不敬取其鯨鯢而封之以為大戮於是乎有京觀異物志雄鯨鯢鮑長者數千里汲冢周書曰如虎傳翼將飛入宮

是以一怒而諸侯懼安居而天下息

二語出孟

擇人而食

子此章喻梁武帝雄才大力異勇神謀行次熨斗坑王肅十萬之軍兵發襄陽授東昏一夫之首使魏數莫敢爭鋒齊王於焉禪位是梁朝有天下之始也

蓋聞蕭曹贊務雄略所資

漢書曰蕭何曹參為相國以喻南康即位之時武帝進位

相國也

魯衛前驅威風所假

左氏傳曰太姒之子周公康叔為相睦也論語云魯衛之

政兄弟也以喻帝與齊俱姓蕭氏同承淮陰令整之後為兄弟也

是以黃池之會可以

爭長諸侯

左傳哀十三年曰夏公會單平公晉定公吳夫差於黃池秋七月辛丑盟吳晉爭先吳人

曰於周室我為長晉人曰於姬姓我為伯杜元凱云陳留封邱縣有黃亭及濟水吳與晉於周皆姬姓以喻帝

與齊皆蕭姓故得進爵王公爭長於諸侯也

鴻溝之盟可以中分天下

史記高祖

本紀曰項羽與漢王約中分天下割鴻溝而西者為漢鴻溝而東者為楚以喻梁武帝成江表王業與魏氏中分南北若鴻溝矣此章喻梁帝匡贊擬於蕭曹宗盟同於魯衛故得王公備九錫之儀南北定中分之業江

表之極
盛者也

蓋聞解封豕之結塞長蛇之源必須製裳千里哺血轅

門左傳申包胥曰吳為封豕長蛇以薦食上國杜云言吳貪害如蛇豕喻侯景也左傳于產曰于有美錦不

使人學製焉大官大邑身之所庇也釋名曰上衣下裳史記文帝紀曰噍血京師索隱曰漢書噍作牒音跣丁

蹠反漢書陳湯傳曰杜業言噍血無盟軟事廣雅曰蹠履也謂履涉之周禮曰設車宮轅門鄭注謂王行止

宿險之處備非常次車以為藩則仰車以其轅表門言欲寧亂必千里命將盟噍以備非常也

是以開

百里之圍用陳平之一策

史記曰高帝擊韓王信於代卒至平城為匈奴所圍七日

不得食高帝用陳平奇計使單于闕氏圍以得開高帝既出其計秘世莫得聞桓譚新論曰或云陳平為高帝

解平城之圍則言其事秘世莫得而聞也以工妙蹕善
故藏隱不傳焉子能權知斯事否吾應之曰此策乃反
薄陋拙惡故隱而不泄高帝見圍七日而陳平往說閼
氏閼氏言於單于而出之以是知其所用說之事矣彼
陳平必言漢有好麗美女為道其容貌天下無有今因
急已馳使歸迎取欲進與單于單于見此人必大好愛
之愛之則閼氏日以遠疎不如及其未到令漢得脫去
去亦不持女來矣閼氏婦女有妬妬之性必增惡而事
去之此說簡而要及得其用則欲使神怪故
隱匿不泄也劉子駿聞吾言乃立稱善焉

盟千乘之

國須季路之一言

左傳哀十四年曰小邾射以句繹來
奔曰使季路要我吾無盟矣使子路

子路辭季康子使冉有謂之曰千乘之國不信其盟而
信子之言子何辱焉對曰魯有事於小邾不敢問故死
其城下可也彼不臣而濟其言是義之也由弗能以喻
侯景內附當如季路之於邾射辭之為是不當納也

此章喻梁武帝納侯景之非也景屬高歡潛圖反叛彼既封豕長蛇包藏毒害之志我須製裳軟血得其駕馭之方而乃造次納降漫無區畫既無陳平之奇策又少李路之一言使平城之圍困卒成句繹之叛徒滋盛釀成國禍是以傷之

蓋聞得賢斯在不藉揮鋒股肱良哉無論應變是以屈

倪叅乘諸侯解方城之圍

屈倪屈完也左傳僖四年曰齊侯以諸侯之師侵蔡遂伐

楚楚子使屈完如師師退次於召陵齊侯陳諸侯之師與屈完乘而觀之齊侯曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以為城漢水以為池雖衆無所用之屈完及諸侯盟杜預注云方城山在南陽葉縣

干木為臣天下無西河之戰

史記魏

文侯客段干木過其閭未嘗不軼也秦嘗欲伐魏或曰
魏君賢人是禮國人稱仁上下和合未可圖也文侯由
此得譽於諸侯此章喻梁武帝用朱异等輩委寄失
才也引古賢臣而寓意自見所謂使覽者微悟合於古
詩諷興之義是也

益聞邯鄲已危徒思馬服

史記曰趙惠文王賜趙奢為馬服君與廉頗藺相如同位

秦與趙兵相距長平時趙奢已死奢子趙括代廉頗為
將括軍敗數十萬之衆遂降秦秦悉坑之趙前後所亡
凡四十五萬明年秦兵遂圍邯鄲歲餘幾不得脫
藺城去矣空用荆軻

史記曰秦兵臨

易水禍且至燕太子丹陰養壯士二十人使荆軻獻督
亢地圖於秦因襲刺秦王秦王覺殺荆軻使將軍王翦
擊燕十月而拔薊城燕王亡徙居遼東斬
丹以獻秦秦拔遼東虜燕王喜卒滅燕
是以竹杖扶

危不能正武擔之石

漢書曰張騫言使大夏時見蜀布
邛竹杖蜀本紀曰武都有丈夫化

為女子顏色美好蓋山精也蜀王娶以為妻不習水土

疾病欲歸國蜀王留之無幾物故故蜀王發卒之成都

擔土於成都廓中莽蓋地數畝高七丈號曰武擔也蜀

志曰劉先主即帝位於成都武擔之南裴松之曰武擔

山名在成都

蘆灰縮水不能救宣房之河

淮南子曰女媧
聚蘆灰以止淫

都西北

水高誘曰蘆葦也生於水故積聚其灰以止淫水地平

出水為淫水漢書溝洫志曰上使塞瓠子決河歌曰宣

房塞兮萬福求於是卒塞瓠子築宮其上名曰宣房而

道河北行二渠復禹舊迹而梁楚之地復寧無水災

此章喻臺城陷後雖名將烈士無所復用邯鄲薊城皆

喻建康之敗也竹枝已下言亂勢已成力不能挽哀江

南賦云蔽罩不能救鹽池之鹹阿

膠不能止黃河之濁即此意也

蓋聞穴蟻衝泉未知遠慮

易林曰蟻封穴戶大雨將至

玄禽巢幕何

能支久

左傳襄二十九年云吳公子札謂孫文子曰夫子之在此也猶燕之巢於幕上杜預曰言至危

也按燕一名玄鳥詩云天命玄鳥故稱玄禽也

是以大厦既焚不可灑之以淚

長河一決不可障之以手

西京賦曰大厦耽耽薛綜曰屋之四下者為厦江淹別賦

云去復去兮長河湄此章喻臺城陷後侯景入城武帝簡文為賊臣所制如蟻在泉中悲長河之一決燕巢幕上觀大厦之既焚豈可手障淚灑言其不能救也

蓋聞膏脣喋喋市井營營或以如簧自進或以狙詐相

傾

史記匈奴傳曰喋喋而佔佔冠固何當索隱注曰喋音謀利口也服虔曰口舌為喋莊子云仲尼曰商賈

旦於市井以求其贏司馬彪曰九夫為井井有市列子
林類曰吾又安知營營而求生之非惑乎鮑照行樂至
城東橋詩曰擾擾遊宦子營營市井人詩云
巧言如簧漢書秦據勢勝之地騁狙詐之兵
是以子貢

使乎五都交亂

史記仲尼弟子傳曰子貢一出存魯亂
齊破吳彊晉而霸越子貢一使使勢相

破十年之中
五國各有變

張儀見用六國縱橫

史記索隱注曰張儀
說六國使連衡而事

泰山東地形從長蘇秦相六國令從親而賓秦關西地
形衡長張儀相六國令破其縱而連秦之衡故蘇為合
從張為連衡也衡音橫東西為橫南北為從也此章
喻諸王援兵之日讒譖者多以致兄弟猜嫌骨肉屠害
張纘有起兵聚米之說遂爾閱牆蕭綸有代景行師之
言聞之掩泣哀江南賦云晉鄭靡依魯衛不睦是也

蓋聞謀猷是習權變須長時增齊竈或臥燕牆

史記曰
孫臏使

齊軍入魏地為十萬竈明日為五萬竈明日為二萬竈
後漢書曰虞詡征朝歌賊令吏士各作兩竈日增倍之
或問曰孫臏減竈而君增之何也詡曰孫臏見弱吾今
示強勢有不同故也崔鴻十六國春秋曰建興十年慕容
容寶軍參合魏縱兵擊之燕軍敗走赴水死傷者四五
萬人十一年慕容垂至參合見往年戰處積骸如山設
祭弔之禮死者父兄子弟皆號哭六軍哀慟垂慚憤嘔
血因而寢疾乘馬輿而進頓平城西北三十里積十日
疾篤踰山結營築

是以井陘之兵如鴻毛之遇火

漢書曰韓

燕昌城以自固

信張耳欲東下井陘擊趙未至井陘口三十里止舍使

一大赤幟戒曰趙見我走必空壁逐我若拔趙幟立漢

幟趙人還歸壁見漢赤幟大驚以漢為破趙趙矣遂長平

亂遁走於是漢軍夾擊破趙斬成安君擒趙王歇

之卒若秋草之中霜

史記曰秦與趙兵相拒長平趙括為將秦將白起縱奇兵佯敗走而

絕其糧道分斷其軍為二士卒離心四十餘日軍餓趙括出銳卒自搏戰秦軍射殺趙括括軍敗數十萬之衆遂降秦秦悉坑之趙前後所亡凡四十五萬此章喻王僧辯等平景之師也

蓋聞彼黍離離大夫有喪亂之感

詩序曰黍離閔宗周也周大夫行役過故

宗廟宮室盡為禾黍故為黍離之詩

麥秀漸漸君子有去國之悲

史記曰武王封

箕子於朝鮮而不臣也其後箕子朝周過故殷墟感宮室毀壞生禾黍箕子傷之欲哭則不可欲泣為其近婦人乃作麥秀之詩以歌詠之其詩曰麥秀漸漸兮禾黍油油兮彼狡童兮不與我好兮所謂狡童者紂也殷民聞之皆為流涕

是以建章低昂不得猶瞻灞岸

三輔黃圖曰武帝太初元年作

建章宮度為千門萬戶王粲七哀詩曰南登灞陵岸迴首望長安建章灞岸在西京以喻梁都在建業傷故宮

之殘
毀也
德陽淪沒非復能臨偃師

三輔黃圖曰景帝廟號德陽宮後漢書曰光武

出自景帝漢書地理志云河南郡有偃師縣在洛陽東三十里光武都洛是臨偃師以喻元帝都江陵之後傷中興之道銷也此章喻梁國之亡似感宗周如悲殷室建康一敗既傷故國之殘江陵三年無補中興之業此子山所以舊國舊都望之悵然者也

益聞市朝遷貿山川悠遠

古出夏北門行曰市朝易人穆王傳道里悠遠山川間之

是以狐兔所處由來建始之宮

潘岳西征賦曰狐兔窟穴於殿傍魏志曰建安

二十五年正月曹公在洛陽起建始殿

荊棘叅天昔日長洲之苑

雍門周曰墳墓

生荊棘狐兔穴其中吳都賦云佩長洲之茂苑此章喻克復之後遷都江陵朝市既移山川遂隔太清濯龍

之後既已陷沒臺城裴橫入獵之餘復令揚灰太極羽儀輦路莫有牙遺戶口人民百遺一二而故宮於焉木矣

蓋聞天方薦瘥喪亂弘多

詩小雅節南山之辭毛傳云薦重瘥病弘大也

空思

說劍徒聞枕戈

樂記曰裨冕搢笏而虎賁之士說劍也晉書劉琨與親故書吾枕戈待旦志氣

逆虜常恐祖生先吾著鞭方言曰戰吳揚之間謂之戈

是以劉琨之英略莫知自

免

晉書曰劉琨字越石中山魏昌人愍帝即位三年拜為司空都督并冀三州諸軍事幽州刺史鮮卑段匹

碑數遣使要琨欲與同獎王室琨由是率眾赴之從飛狐入薊匹碑見之甚相崇重與琨結婚約為兄弟是時西都不守元帝稱制江左琨乃令溫嶠勸進於是河朔征鎮夷夏一百八十人連名上表元帝轉琨為侍中太

尉其餘如故并贈名刀琨答曰謹當躬自執佩誠截二
酋匹磾奔其元喪琨遣其世子羣送之為末波所獲因
共結盟而襲匹磾密遣使齎羣書請琨為內應而為匹
磾邏騎所得時琨別屯故征北府小城不之知也因來
見匹磾匹磾以羣書示琨曰意亦不疑公是以白公耳
琨曰與公同盟志獎王室仰憑威力庶雪國家之恥若
兒書密達亦終不以一子之故負公忘義也匹磾雅重
琨初無害琨志將聽還屯其中弟叔軍好學有知謀為
匹磾所信謂匹磾曰吾胡人耳所以能服晉人者畏吾
衆也今我骨肉構禍是其良圖之日若能奉琨以起吾
族盡矣匹磾遂留琨匹磾所署代郡太守辟閭嵩與琨
所署雁門太守王據後將軍韓據連謀合作攻具欲以
襲匹磾而韓據女為匹磾兒妾聞其謀而告之匹磾於
是執王據等悉誅之會王敦密使匹磾殺琨匹磾遂縊
之子姪四人俱被害按劉琨喻王僧辯也梁元帝承制
江陵僧辯勸進猶晉元帝承制江左劉琨勸進也僧辯

為陳霸先所縊猶劉琨為段匹磾所縊也兩人行跡相似故引用之且陳武無匹磾之忠而蹈處仲之迹遂致易梁為陳王公祖逖之慷慨裁能渡河晉書曰祖逖字士稚范陽道人

之不免也惜哉

祖逖之慷慨裁能渡河

士稚范陽道人

也輕財好俠慷慨有節京師大亂逖以社稷傾覆常懷振復之志元帝以逖為奮威將軍豫州刺史給千人廩布三千匹不給鎧仗使自招募仍將本流徙部曲百餘家渡江中流擊楫而誓曰祖逖不能清中原而復濟者有如大江辭色壯烈眾皆慨數屯於江陰起鑄冶兵器得二千餘人而後進前後剋復由是黃河以南盡為晉土詔進逖為鎮西將軍石勒不敢窺兵河南子山引此恨當時無此人陳霸先不足云也此章喻建業陽九江陵百六王僧辯有討平侯景之功而鮮保身之哲陳霸先懷覬覦梁鼎之意而無渡河之心此南風之所以不競也

也

蓋聞穀林長送蒼梧不從

呂氏春秋曰堯葬穀林皇甫謐曰穀林即陽城堯都平陽

於詩為唐國禮記曰舜葬蒼梧二妃不從以喻元帝之死也

惟桐惟葛無樹無封

左傳

哀二年云趙簡子誓曰若其有罪絞縊以戮桐棺三寸不設屬辟注桐棺三寸禮記夫子制於中都四寸之棺五寸之梓以斯知不欲速朽也鄭康成注云此庶人之制也棺用難朽之木桐木易壞不堪為棺故以為罰墨子尚儉有桐棺三寸漢書楊王孫曰昔帝堯之葬也窆木為槨葛藟為緘服虔曰葛蔓也一曰藟亦草名葛之緘也緘束也音工咸反周易曰古之葬者厚衣之以薪藏之中野不封不樹以喻元帝葬用肥帶茅裹尸也是以隋珠明月無益驪山之火

搜神記曰隋國之侯見大蛇傷者療而愈之蛇

銜珠以報其德故稱隋珠西都賦曰隋侯明月漢書劉向疏曰秦始皇葬於驪山之阿其後牧兒亡羊羊入

其鑿牧者持火照求
羊失火燒其臧柳

崔臺絃管空望西陵之松

魏志曰建安十

五年冬作銅雀臺魏武遺令曰吾伎人皆著銅雀臺於臺上施六尺牀總帳朝晡上晡繡之屬月朝十五日輒向帳作伎汝等時時登銅雀臺望吾西陵墓田謝朓銅雀臺詩曰鬱鬱西陵樹詎聞歌吹聲李善曰不敢指斥故以樹言之也此章喻梁元被戮不以人君之禮葬也江陵之敗遭岳陽之詰辱命傅準以行刑一囊之土罰甚桐棺一乘之車殉同鮮葬嗚呼生為撥亂之君死葬庶人之禮是以對驪山以興思望西陵而泣下津陽門外有故君之感焉

蓋聞雷驚獸駭電激風驅陵歷關塞枕跨江湖是以城

形月偃陣氣雲鋪

水經注曰沔左有却月城亦曰偃月壘戴監軍築故曲陵縣後乃沙羨縣

治也昔魏將黃祖所守遣董襲陸統攻而禽之彌衡亦遇害於此湘中記曰遙望衡山如陣雲史記天官書曰陣雲如立垣言武陵王紀師次西陵軍容甚盛元帝命陸法和拒之立七勝之城鎖江斷峽也

非綠林

之散卒即驪山之叛徒

後漢書劉玄傳曰諸亡命共攻離鄉聚藏於綠林中注云綠林

山在今荊州漢書英布傳布友薛公曰布以驪山之徒自致萬乘此皆為身不顧後慮喻任約謝答仁等本侯景之黨也哀江南賦云驅綠林之散卒拒驪山之叛徒營軍梁嗟冤乘巴渝皆謂拔逆黨以攻蜀也與此同元帝紀云承聖元年八月武陵王紀引兵東下二年五月帝拔任約於獄以為晉安王司馬徽禁兵以配之又於獄拔謝答仁為步兵校尉配衆一旅上赴以助陸法和是也此章喻元帝攻蜀之師復用侯景之黨也楚蜀雖有閭閻之隙然本兄弟之國輔車相依唇亡齒寒者也蜀亡而楚必隨之忘宿憤以結新讐驅叛徒而抗骨

月王琳以藉盛師徒而遷之嶺外法和方大聚兵艦而復阻襄陽是以魏師卒至俛首係頸雖任約在外答仁請從帝豈能推腹心於彼耶宜其有江陵之敗也與

蓋聞死別長城生離函谷

揚泉物理論曰秦築長城死者相屬民歌云生男慎勿舉

生女哺用脯不見長城下尸骸相支拄戰國策曰秦東有崤函之固韋昭曰函谷關也時西魏都長安本故秦地江陵平男女盡俘入關故云

遼東寡婦之悲代郡孀妻之哭

遼東寡婦未詳

疑謂蔡文姬沒于南匈奴為遼東也史記趙世家曰襄子姊前為代王夫人襄子北登夏屋請代王使廚人探銅料以食代王及從者行斟陰令宰各以料擊殺代王及從官遂因兵平代地其姊聞之泣而呼天摩笄自殺代人憐之所死地名之為摩笄之山遂以代封伯魯子周為代成君

是以流慟所感還崩

杞梁之城

列女傳曰齊杞梁殖之妻莊公襲莒殖戰而死杞梁之妻無子內外皆無五屬之親既無

所歸乃枕其夫之尸於城下而哭內誠動人道路過者莫不為之揮涕十日而城為之崩既葬遂赴淄水而死

灑淚所沾終變湘陵之竹

博物志云舜二妃曰湘夫人舜崩二妃啼以涕揮竹竹盡

斑此章喻江陵之陷殺傷者衆屠戮之慘繼以別離如杜畿被害王褒獻俘男女盡為入關弱小至於加戮所以啼枯湘水哭壞杞城也

蓋聞三世用兵既非貽厥

史記曰陳勝之反秦秦使王翦之孫王離擊趙圍趙王及

張耳鉅鹿城或曰王離秦之名將也今將強秦之兵攻新造之趙舉之必矣客曰不然夫為將三世者必敗必敗者何也以其所殺伐衆矣其後受其不祥今王離已三世將矣居無何項羽救趙擊秦軍果虜王離

陰

謀累葉必以凶終

史記陳平曰我多陰謀是道家之所禁吾世即廢亦已矣終不能復起以

吾多陰禍也其後曾孫陳掌以衛氏親貴戚願得續封陳氏然終不得

是以李都尉之風

霜上蘭山而箭盡

史記曰李陵拜騎都尉天漢二年使陵將其射士步兵五千人出居延可

千餘里單于以兵八萬圍擊陵軍陵軍五千人兵矢既盡救兵不到遂降匈奴單于以女妻陵而貴之漢聞族陵母婁子自是

陸平原之意氣登河橋而路窮

晉書曰陸機為

之後李氏名敗

長沙王又敗於河橋孟玖譖於成都王穎穎殺之將刑嘆曰華亭鶴唳豈可復聞乎臧榮緒晉書曰成都王表理機起為平原內史故稱平原干寶晉紀曰初陸抗誅步闡百口皆盡有識尤之及機雲見害三族無遺此

章喻江陵之敗僧祐戰死買臣敗績王褒俘虜似蘭山之箭盡杜畿兄弟若河橋之路窮

蓋聞營魂不反燐火宵飛

楚辭曰載營魂而升霞陸士衡文賦云覽營魂以探頤頤

精爽而自求老子曰載營魄抱一能無離乎鍾會曰載辭也經護為營形氣為魄謂魂魄經護其形氣使之長存也左傳樂祁曰心之精爽是為魂魄陸士衡贈從兄車騎詩曰營魄懷茲土精爽若飛沈張銑曰營心府間也言心府魂魄懷於吳土而精爽若飛若沈不定也此云營魂即營魄也言心府間魂魄無所歸也淮南子曰人血為燐許慎注曰兵死之血為鬼火崔豹古今注云螢火一名燐亦名宵飛

時遭獵夜之兵

或斃空亭之鬼

晏子春秋景公畋于梧丘夜夢有五丈夫稱無罪晏子曰先君靈公畋五丈夫

駭獸斷其頭葬之曰五丈夫丘後漢書蔡亭有鬼數殺過客王忱除鄱令有女子訴曰妾夫為涪令之官過宿此亭亭長無狀枉殺妾家十餘口埋在樓下悉盜取財貨忱問亭長姓名女子曰即今門下遊徼者也明旦問

遊傲詰問具服罪即收繫及同謀十餘人悉伏辜遣吏送其喪歸鄉里於是亭遂清安

是以射聲

營之風雨時有冤魂

射聲校尉漢武帝置光武建安七年省漢書音義曰射聲謂工射者

也夜中聞聲則射之因以為名後漢書曰曹褒遷射聲校尉射聲營舍有停棺不葬百餘所褒親履行問故吏對曰此多是建武以來絕無後者褒為買空地悉葬其主者設祭以祀之

廣漢

集作

郡之陰

寒偏多夜哭

東觀漢記曰陳寵字昭公沛國人轉廣漢太守先是洛陽城南每陰常有哭聲聞於

府中寵使案行昔歲倉卒時骸骨不葬者多寵乃勅縣葬理由是即絕謝惠連祭古冢文云射聲垂仁廣漢流渥是也廣漢俗本作廣莫以漢字轉寫誤漢漢復誤為莫也王隱晉書劉琨奏曰懷情抱恨雖沒不亡故有預霜之應夜哭之鬼王融策秀才文云桂林多夜哭之鬼也此章喻戰爭之後殺傷者多與哀江南賦鬼火亂

於平林傷魂遊
於新市意同

蓋聞江黃戎馬之徼鄢郢風飈之格

江黃鄢郢皆楚地也江黃春秋時羸

姓國名左傳江黃道柏皆弦姻也後為楚所滅老子曰天下無道戎馬生於郊漢書地理志曰南郡宜城故鄢又鄢楚別邑故鄢文選凡姦字五臣本皆作飈疾風也
乍有去而不歸或無期而

遠客

言江黃鄢郢之間遭亂離也

是以章華之下必有思子之臺

左氏

傳曰楚靈王成章華之臺及乾谿之辱蔡公使殺太子祿及公子罷敵王聞羣公子之死也自投於車下曰人之愛其子也亦如余乎又曰余殺人子多矣能無及此乎
雲夢之傍應多望夫之石

列異傳曰武昌新縣北山昔有貞婦其夫從役婦攜幼子餞送此山立望而形化為石張揖曰雲夢在南郡華

容縣 此章喻江陵闔城長幼被擄入關哀江南賦所謂石望夫而逾遠山望子而逾多者也

蓋聞無怨生離恩情中絕空思出水之蓮無復迴風之

雪

曹子建洛神賦曰河洛之神名曰宓妃其形也迫而察之灼若芙蓉出淥波又云飄飄兮若流風之迴雪

是以樓中對酒而綠珠前去

晉書曰孫秀使人求綠珠石崇不許秀怒乃勸趙王

倫誅崇矯詔收崇等崇正宴於樓上介士到門崇謂綠珠曰我今為爾得罪綠珠泣曰當效死於官前因自投於樓下

帳裏悲歌而虞姬永別

史記曰項王軍壁垓下聞漢軍四面皆楚歌項

而死

王乃大驚曰漢皆已得楚乎是何楚人之多也項王則夜起飲帳中有美人名虞常幸從駿馬名騅常騎之於是項王乃悲歌慷慨自為詩曰力拔山兮氣蓋世時不利兮騅不逝騅不逝兮可奈何虞兮虞兮奈若何注云

楚漢春秋曰漢兵已略地四面楚歌聲大王意氣盡賤
妾何聊生此章喻江陵覆亡貴人妻妾盡被俘擄今
時離怨平昔恩情雖復色茂開蓮風如迴雪而高臺已
傾愛妾何在綠珠則已墮吹樓虞姬之聞歌夜帳矣

蓋聞樹彼司牧既懸百姓之命及乎厭世復傾天下之
心是以一馬之奔無一毛而不動一舟之覆無一物而

不沈

左傳邾文公曰天生民而樹之君使司牧之孔叢
子子貢曰馬奔車覆此章喻梁之興亡皆由武

帝一敗之後不復振也方其誅東昏而興既使百姓待
命及夫納侯景而亂復令天下傾心所謂自我得之自
我失之者也是以武陵僭號蜀國既亡湘東雪讎江陵
復敗蕃屏既已無餘枝葉又將盡落岳陽西附僅逼一
州敬帝南還終悲易姓譬如馬奔毛
動舟覆物沈天之所壞不可支也

益聞嚴霜之零無所不肅長林之斃無所不標

左傳哀十二年

子木曰長木之斃無不標也國狗之瘞無不噬也而況大國乎杜預曰標擊也

是以楚塹既填

遊魚無託吳宮已火歸燕何巢

楚塹謂江陵也吳宮謂建鄴也遊魚歸燕信自

謂也越絕書吳地傳曰東宮秦始皇十二年守宮者照燕失火燒之此章喻大梁之亡如哀秋搖落江陵潰敗嗟楚塹之既填建鄴凋殘悲吳宮之已火已遂無所依歸也

益聞名高八俊傷於閹豎之黨

後漢書黨錮傳曰桓靈之間主荒政謬國命委

於閹寺士子羞與為伍故匹夫抗憤處士橫議遂乃激揚名聲互相題拂天下名士為之稱號李膺荀昱杜密王暢劉祐魏朗趙典朱寓為八俊俊者言人之英也靈帝詔捕張儉大長秋曹節因此諷有司奏捕前黨百餘

人皆死

智周三傑斃於婦女之計

史記高祖曰張良蕭何韓信此三人者皆

人傑也吾能用之此吾所以取天下也又韓信傳曰呂后使武士縛信斬之長樂鍾室信方斬之時曰吾悔不用蒯通之計乃為兒女子所詐豈非天哉是以洪澤之蛟遂挫長饑之虎平

臯之蟻能摧失水之龍

楚辭曰神龍失水而陸居兮為螻蟻之所裁王逸曰螻蟻蛄也

蟻蛄也莊子庚桑子曰吞舟之魚殤而失水則蟻能苦之嵇康贈秀才入軍詩曰流磻平臯此章喻已入魏之後束手受困雖有八俊之名三傑之智無所用之如猛虎長饑之候神龍失水之時也

蓋聞吳艘蜀艇不能無水而浮

淮南子曰越舠蜀艇不能無水而浮高誘注曰

舠小船也蜀艇一版之舟若無水不能獨浮也說文曰艘船總名也以紅間綠不能無弦

而射

淮南子曰烏號之弓谿子之弩不能無弦而射

是以樊籠之鶴寧有六翮

之期骯髒之馬無復千金之價

新序曰郭隗謂燕王曰古之君有以千金市千

里馬者三年不得人請求之三月得馬已死矣買其骨以五百金君大怒之人曰死馬骨且市之況生馬乎天下必以王為好馬矣於是不期年千里馬至者二此章喻已屈體魏周不能復振雖國有讎仇而身無權藉有如樊籠之鳥豈望奮飛又若骯髒之馬已曾葬腹

蓋聞性靈屈折鬱抑不揚乍感無情或傷非類

左氏傳曰非我

族類是以嗟怨之水特結憤泉感哀之雲偏含愁氣

袁宏後漢

紀耿恭曰聞貳師將軍拔佩刀以刺山而飛泉湧出乃整衣拜禱飛泉奔出謝惠連雪賦曰寒風積愁雲繁此

章喻已降魏之後窮困愁苦也少卿有云終日無覩但見異類舉目言笑誰與為歡是以嗟怨成水哀感生雲也

蓋聞遷移白羽流徙房陵

春秋昭十年云冬許遷於白羽左氏傳曰楚子使王子勝

遷許於析實白羽淮南子云趙王遷流於房陵思故鄉則為作山木之謳聞之者莫不隕涕括地志云趙王遷墓在房州房陵縣西九里也

離家析里悽恨撫膺

列子曰撫膺而恨膺胸也是以

吳起之去西河潛然出涕

呂氏春秋曰吳起治西河王錯譖之魏武侯武侯使人召

吳起至岸門止車而立望西河泣數行下其僕曰竊觀公之志視天下若舍履今去西河而泣何也吳起雪泣應之曰使我畢能秦必亡西河今西河之為秦不久矣起入荆西河果入秦

荆軻之別燕市

悲不自勝

史記曰荆軻嗜酒日與狗屠及高漸離飲於燕市酒酣以往高漸離擊筑荆軻和而歌於

市中相樂也居頃之燕太子丹質秦亡歸厚養荆軻西刺秦王為秦所殺此章喻已家本江陵播遷秦地如

許遷白羽趙虜房陵鄉關之思彌殷悽恨之情遂切吳起之泣西河荆卿之悲燕市子山之哀江南有旨哉有

哉旨

蓋聞廉將軍之客館翟廷尉之高門盈虛倏忽貴賤何

論

史記曰廉頗之免長平歸也失勢之時故客盡去及復用為將客又復至廉頗曰客退矣客曰吁何見之

晚也夫天下以市道交君有勢我則從君君無勢則去此固其理也有何怨乎漢書鄭當時傳曰下邳翟公為廷尉賓客填門及廢門外可設雀羅後復為廷尉客欲往翟公大署其門曰一死一生乃見交情一貧一富乃

知交態一貴一賤交情乃見

是以平生故人灌夫不去

史記曰灌夫雖富然失勢

卿相待中賓客益衰及魏其侯失勢亦欲引灌夫引繩批根生平慕之後棄之者蘓林曰二人相倚引繩直之意批根賓客也去

門下賓客任安獨存

史記衛青傳曰驃騎將軍秩祿

與大將等自是之後大將軍青日退而驃騎日益貴舉大將故人門下多去事驃騎輒得官爵惟任安不肯此章喻已失勢之後賓客淪散也朱雀航中方愧投戈之日青油幕底遂踞斷袖之賓及夫右衛將軍復閭廉公之館中丞御史重開翟尉之門至今羈旅他鄉流離暮齒雖復群公歎至才子爭交而平生之灌夫幾人門下之任安安在矣

益聞執珪事楚博士留秦

史記曰莊舄故越之細人也為楚執珪病而猶尚越聲漢

書曹參傳曰虜秦司馬及御史各一人遷為執珪如淳曰呂氏春秋得伍員者號執珪古爵名也漢書百官公卿表曰博士秦官掌通古今扶比六百石員多至數十人又儒林傳曰秦始皇兼并天下燔詩書殺術士六學從此缺矣陳涉之王也魯諸儒持孔氏禮器往歸之於是孔平為涉博士以秦禁其業而發憤於陳王也按博士雖為秦官秦禁其業留秦非其好也

晉陽思歸之客臨淄羈旅之臣

左傳

定十三年曰秋七月范氏中行氏伐趙氏之宮趙鞅奔晉陽二子敗荀寅士吉射奔朝歌趙鞅入於絳又按杜預世族譜晉國本在太原晉陽縣變父改之曰晉此云晉陽當謂晉也思歸之客疑即鍾儀事注見哀江南賦序左傳莊二十二年曰陳人殺其大子御寇陳公子完奔齊齊侯使敬仲為卿辭曰羈旅之臣敢辱高位以速官諺杜曰羈寄也旅客也臨淄齊地也是以親友會同漢書地理志曰齊郡臨淄師尚父所封

不妨懷撫悽愴山河離異不妨風月關人

此章喻己鄉關之思也周

陳之兩國通好得與弘正相親南北之流寓各還獨並王褒不遣此子山所以目極千里傷心悲魂兮歸來哀江南也

蓋聞五十之年壯情久歇憂能傷人故其哀矣是以譬

之交讓實半死而言生

述異記曰黃金山有楠樹一年東邊榮西邊枯後年西邊榮東

邊枯年年如此張華云交讓樹也

如彼梧桐雖殘生而猶死

枚乘七發曰龍門之

桐高百尺而無枝其樹半死而半生此章喻己哀傷易老壯志久衰豈交讓之全生實梧桐之半死遺矢之

說是所甘心據鞍之情吾無望矣燭之武之言無能為也

蓋聞秋之為氣惆悵自憐

宋玉曰悲哉秋之為氣也

耿恭之悲踈勒

後漢書曰耿恭字伯宗慷慨多大畧有將帥才永平十七年以恭為戍己校尉屯後王部金蒲城恭以踈勒城傍有澗水可固乃引兵據之匈奴攻恭會顯宗崩救兵不至車師復畔與匈奴共攻恭恭屬士衆擊走之數月食盡窮困乃煮鎧弩食其筋革恭與士推誠同死生故皆無二心而稍稍死亡餘數十人建初元年漢遣軍迎校尉城中皆稱萬歲開門共相持泣遂相隨俱歸虜兵追之且戰且行吏士饑困發踈勒時尚有二十六人隨路死沒三月至玉門惟餘士二人衣履穿決形容枯槁

班超之念酒泉

後漢書曰班超字仲

升扶風平陵人封定遠侯超自以久在絕域年老思土上疏曰臣不敢望到酒泉但願生入玉門闕注玉門闕屬燉煌郡今沙州也去長安三千六百里關在敦煌縣西是以韓北酒泉今肅州也去長安二千八百五十里也

非客秦避讒無路

史記曰秦王見韓非孤憤五蠹之書曰嗟乎寡人得見此人與之遊死不

恨矣李斯曰此韓非之所著書也秦因急攻韓韓王始不用非乃遣非使秦秦王悅之未信用李斯姚賈害之毀之曰韓非韓之諸公子也今王欲并諸侯非終為韓不為秦此人之情也今王不用久留而歸之此自遺患也不如以過法誅之秦王以為然下吏治非李斯使人道非藥使自殺非欲自陳不得見秦王後悔之使人赦之非已

信陵在趙思歸有年

史記曰魏公子無忌封信陵君魏王怒公子之盜其

死矣

兵符矯殺晉鄙公子亦自知也已却秦存趙使將將其軍歸魏而公子獨與客留趙十年不歸此章喻己思故國有如宋玉悲秋及夫陳勒不還酒泉何望身羈長安韓非將死於秦路心存建業信陵終念於魏邦

蓋聞懸鵲百結知命不憂

荀子曰子夏之衣如懸鵲人曰子胡不仕曰諸侯之驕我者吾

不為臣大夫之驕我者吾不復見王隱晉書曰董威於市得碎繒輒以為衣號曰百結衣毛詩傳曰鷦鷯也釋鳥云鷽鷽其雄鷽北庫李巡曰別雄雌異方之言鷽一名鷽郭璞曰鷽鷽之屬也周易繫辭曰樂天知命故不憂言知命者十日一炊無時何恥後漢書注曰第五頔客止靈臺中或十日

不憂貧也
是以素王之業乃東門之貧民
賈逵春秋序曰孔子覽史記就是非之說

立素王之法鄭康成六藝論云孔子既西狩獲麟自號素王為後世受命之君制明王之法史記曰孔子適鄭與弟子相失孔子獨立郭東門或謂子貢曰東門有人其類似堯其項類皋陶其肩類子產自腰以下不及禹三寸纍纍若**孤竹之君實西山之餓士**
史記曰伯夷叔齊孤竹君之二

喪家之狗

子也武王已平殷亂天下宗周而伯夷叔齊恥之義不食周粟隱於首陽山采薇而食之遂餓死其辭曰登彼

西山兮采其薇矣索隱曰西山即首陽山此章喻已不當仕也樂天知命則衣弊可以不憂時不我與雖無食何足為恥所以東門貧民亦號素王西山餓士垂名孤竹而子山已餐周粟矣

益聞胸中無學猶手中無錢今之學也未見能賢

論衡曰胸

內無學猶手無錢

是以扶風之高鳳無故棄麥

後漢書曰高鳳字文通南陽葉

人也少為書生家以農畝為業而專精誦讀晝夜不息妻嘗之田曝麥於庭令鳳護雞時天暴雨而鳳持竿誦經不覺潦水流麥妻還怪問鳳方悟之其後遂為名儒乃教授於西唐山中

中牟之甯越徒

勞不眠

呂氏春秋曰甯越者中牟鄙人也苦耕稼之勞謂其友曰何為可以免此苦也其友曰莫如學

也學三十歲則可以達矣甯越曰請以十五歲人將休吾不敢休人將臥吾不敢臥學十五歲而為周威王之

師也 此章喻已文籍滿腹不直一錢故云高鳳無故棄麥寧越徒勞不眠傷其大節已虧文章究何補焉

蓋聞十室之邑忠信在焉見論語五步之內芬芳可錄苑說

曰十步之內必有芳蘭 是以日南枯蚌猶含明月之珠漢書地理志曰日南

郡故秦象郡武帝元鼎六年開水經注曰交州合浦郡漢武元鼎六年平越所置孫權黃武七年改曰珠官郡

郡不產穀多採珠寶史記李斯上書曰垂明月之珠顧微廣州記曰海中有火珠明月珠水精珠 龍門

死樹尚抱咸池之曲龍門死樹桐也注見上咸池黃帝樂名此章喻已雖身在北朝而

心存南國譬之蚌枯而珠在樹死而曲存此心終為梁也

蓋聞百尺之高累於九基之上說苑曰晉靈公造九層之臺費用千金荀息聞

之上書求諫曰臣能累十二博碁加九雞子其上公曰子為寡人作之荀息正顏色定志意以碁子置下加雞子其上公曰危哉危哉荀息曰不危也復有危於此者九層之臺三年不成男不耕女不織國用空虛鄰國謀議將興社稷亡滅君欲何望公曰寡人之過也乃至於此即毀九層臺

千鈞之重懸於一

木之枝

呂氏春秋曰薄疑說衛嗣君曰烏獲舉千鈞又况一片高誘曰千鈞三萬斤也漢書枚乘上書

曰夫以一縷之任繫千鈞之重上懸之無極之高下垂之百尺之淵雖甚愚之人猶知其將絕也

是以

截虎尾而非險傷龍鱗而未危

尚書君牙曰心之憂危若蹈虎尾涉於春冰韓

子曰夫龍之為物可狎而騎也然喉下有逆鱗徑尺若人有撓之者則必殺人人主亦有逆鱗說者能無撓人主之逆鱗則幾矣此章喻已多危慮也百尺加九碁之上千鈞豈一木所支截茲虎尾將必咥人傷彼龍鱗

終遭其怒

蓋聞居蘭處鮑在其所習

大戴禮曰與君子遊宓乎如入蘭芷之室久而不聞則與

之化矣與小人遊臭乎如入鮑魚之肆久而不聞則與之化矣是故君子慎其所去就者也論衡曰中人之性

在所習習善則善習

白羽素絲隨其所染

墨子曰墨子見染絲嘆曰

惡則惡鮑白卵反

染於蒼則蒼染於黃則黃五入之則為五色故染不是可不慎非獨絲也國亦有染湯染伊尹紂染惡來也

以金性雖質處劍即凶水德雖平經風即險

此章言人逐物遷性

有如香臭隨時玄黃代色已所習染雖則臭若鮑魚色同染惡然而金思處劍之時水望經風之日猶足自奮也

蓋聞豫章七年斃於豐草

子虛賦曰榱桷豫章郭璞曰豫章大木也似楸葉冬夏青

生七年乃可知也正義曰按溫舌人云豫今之枕木也章今之樟木也二木生七年枕樟乃可分別

芳蘭

九畹淪於幽谷

楚辭曰余既滋蘭之九畹琴操曰孔子過谷中見蘭獨茂嘆曰蘭當為王者香

今乃獨茂與草為伍乃止車援琴而鼓之自傷不逢時托辭於幽蘭也

是以欲求其真晉

陽有自理之蒿

春秋後語曰張孟談謂趙襄子曰董安于之在晉陽公宮之垣皆荻蒿

若

賞其聲吳亭有已枯之竹

爾雅曰東南之美者有會稽之竹箭焉漢書地理志曰會

稽郡秦置高帝十二年更名吳按秦法十里一亭以會稽名吳故云吳亭此章喻已初有小善終無成功豫

章豈曰凡材芝蘭實為香草求其真實

則荻蒿自理賞彼虛聲則竹箭將盡

蓋聞明鏡蒸食未為得所

淮南齊俗訓曰大明鏡便於照形其於以函食不如簞

干將補履尤可傷嗟

劉向說苑曰干將鏌鋁拂鐘不鐸試物不知揚刃離金斬羽契鐵斧

此至利也然以之補履曾不如兩錢之錐楚辭曰秉干將以切肉王逸曰干將利劍也利劍宜以為威誅無狀以征不服今用割肉非其宜也以言使賢者為僕隸之徒非其宜也子山自喻在魏周如明鏡所以照形今乃用以蒸食干將所以示威今乃用以補履亦失其志也

是以氣足凌雲不應止為

武騎

漢書曰司馬相如事孝景帝為武騎常侍非其好也相如既奏大人之頌天子大說飄飄有凌雲之

氣似遊天地之間意

才堪王佐不宜直放長沙

史記賈誼傳曰天子議以賈生任卿

相之位絳灌東陽侯馮敬之屬盡害之乃短賈生曰雒陽之人年少初學專欲擅權紛亂諸事於是天子疏之

不用其議乃以賈生為長沙王太傅賈生既辭往行聞長沙卑濕自以壽不得長又以適去意不自得乃度湘水為賦以弔屈原此章喻已在魏周不得其所也位望雖高時有長岑之意恩禮並至猶懷汨羅之心用明鏡以蒸食取干將而補履相如作賦止為武騎之官賈誼多才不過長沙之傳而已

益聞勢之所歸威之所假必能繫風捕影

見莊子

暴虎馮

河見論語是以輕則鴻毛沈水重則磐石凌波

抱樸子曰重類宜沈

而南海有浮石之山輕物當浮而犂犢有沈羽之流此章喻人隨時重輕惟得勢假威故能乘空禦險或則鴻毛不勝或則負山餘力今已亦失勢之時歲所不假者也

益聞意氣難干非資扛鼎

史記曰項羽力能扛鼎才氣過人韋昭曰扛舉也索隱曰

說文云扛橫關對舉也音江

風神自勇無待翹關

列子曰孔子勁能招國門之關而不

肯以力聞淮南子曰孔子之通智過於荑弘勇過於孟賁足攝郊菟力招城關能亦多矣吳都賦曰翹關扛鼎

李善注引列子

是以曹劌登壇汶陽之田遽反

左傳作刺史記

云招與翹同

作沫史記曰曹沫者魯人也以勇力事魯莊公與齊戰三敗北魯莊公懼乃獻遂邑之地以和猶復以為將齊桓公許與魯會於柯而盟桓公與莊公既盟於壇上曹沫執匕首劫齊桓公桓公左右莫敢動而問曰子將何欲曹沫曰齊彊魯弱而大國侵魯亦已甚矣今魯城壞即壓齊境君其圖之桓公乃許盡歸魯之侵地既許言曹沫殺其匕首下堂北面就羣臣之位顏色不變辭令如故桓公怒欲背其約管仲曰不可夫貪小利以自快棄信於諸侯失天下之援不如與之於是桓公乃遂割魯侵地曹沫三戰所亡地盡復予魯又按左傳公賜季

友汶陽之田夾谷之會孔子曰而不反我汶陽之田杜預曰汶陽田汶水北地汶水出泰山萊蕪縣西入濟

相如睨柱連城之壁更還

史記曰秦王欲以十五城易趙王和氏璧藺相如奉璧見

秦王既奏相如視秦王無意償趙城乃前曰璧有瑕請指示王授璧因却立倚柱曰臣觀大王無意償趙城故臣復取璧大王必欲急臣頭與璧俱碎於柱矣因持璧睨柱秦王恐破壁乃謝相如璧歸於趙此章喻已使魏之後不能奮積辱之志也梁元帝有返齊侵地之心已觸魏怒庾子山無擊壁睨柱之勇早辱秦庭既意氣之可干傷風神之遂屈以致一忘楚操漸食周薇曹柯之盟豈可庶幾相如奉璧不得復反矣

蓋聞卷施不死誰必有心

爾雅曰卷施草拔其心不死江淮間謂之宿莽

甘蕉

自長故知無節

南方草木狀曰甘蕉望之如樹珠大者一圍葉長一丈或七八尺廣尺餘二尺

許花大如酒杯形如芙蓉根如芋魁大者如車轂每華一闔各有六子先後相次子不俱生花不俱落一名芭蕉或曰巴苴有類羊角名羊角蕉有類牛乳名牛乳蕉又有蕉葛可紡績為絺綌交廣有之三輔黃圖曰武帝元鼎六年破南越建扶荔宮以植所得奇異草木有甘蕉本

是以螺蚌得路恐異驪

淵莊子曰河上有家貧恃緯蕭而食者其子沒於淵得千金之珠其父謂其子曰夫千金之珠必在九重之淵而驪龍領下子能得珠必遭其睡也

雀鼠同歸應非丹穴

禹貢道渭自鳥鼠同穴孔

安國曰鳥鼠共為雌雄同穴處此山遂名曰鳥鼠渭水出焉郭璞山海經注曰今在隴西首陽縣西南山有鳥鼠同穴鳥名鵠鼠名鼯如人家鼠而短尾鵠似鷄而小黃黑色穴入地三四尺鼠在內鳥在外山海經曰丹穴之山丹水出焉有鳥狀如雞五采而文名曰鳳凰首文曰德翼文曰義背文曰禮膺文曰仁腹文曰信是鳥也飲

食自然自歌自舞見則天下安寧 此章喻已在魏周
如宿莽之傷心比巴苴之無節珠在蚌中即異驪龍之
領穴雖巢雀終
非鳳皇所居也

蓋聞北邙之高魏君不能削

郭緣生述征記曰北邙東則乾晡山山西南晉文帝

崇陽陵陵西武帝浚陽陵邙之東北宣帝高厚陵景帝
峻平陵邙之南則惠帝陵也是北邙為晉陵言魏衰晉
盛魏君不能削北邙穀洛之鬪周王不能改

周語曰穀洛鬪將毀

王宮王欲壅之及景王多寵人亂於是乎
始生景王崩王室大亂喻梁朝之衰也

是以愚公何

德遂荷鍤而移山

列子曰太行王屋二山方七百里高
萬仞北山愚公年且九十面山而居

懲山北之塞出入之迂也乃率子孫叩石
壑壤運於渤海之尾河曲智叟笑而止之精衛何禽欲

銜石而塞海

述異記曰炎帝之女溺死東海化為精衛其名自呼每銜西山木石填東海一名鳥

市一名冤禽

此章喻陳盛梁衰霸先方起似晉帝北

却之高梁室將亡擬周王穀洛之關方之愚叟豈可移

山如彼冤禽

焉能塞海也

蓋聞君子無其道則不能有其財忘其貧則不能恥其

食是以顏回瓢飲賢慶封之玉杯

論語曰賢哉回也一簞食一瓢飲左傳曰

崔氏滅慶封當國慶封好田而嗜酒與慶舍政樂高陳

鮑之徒殺慶舍慶封來奔齊人來讓奔吳子之朱方聚

其族焉而居之富於其舊昭四年為

楚靈王所殺玉杯言富而嗜酒也

子思銀佩美虞公

之垂棘

桓寬鹽鐵論貧富篇子思之銀佩美於虞公之垂棘左傳僖二年云晉荀息請以屈產之乘與

垂棘之璧假道於虞以伐虢虞公許之奇諫不聽遂起師伐虢滅下陽僖五年云晉滅虢師還館于虞遂襲虞滅之此章喻不義而富不如樂道而貧慶封因富嗜酒遂爾亡家虞公以賄先書因之失國今已自入魏以來祿位雖高恥辱彌甚願為貧賤而不可得也

蓋聞水之激也實濁其源木之蠹也將拔其根是以延

年之家預論掃墓

漢書曰嚴延年字次卿東海下邳人也為河南太守母從東海來欲從延

年臘到雒陽適見報因母大驚便止都亭不肯入府延年出至都亭謁母母問閤不見延年免冠頓首閤下良久母乃見之因數責延年幸得備郡守專治千里不問仁愛教化有以全安愚民顧乘刑罰多刑殺人欲以立威豈為民父母意哉延年服罪重頓首謝因自為母御歸府舍母畢正臘謂延年天道神明人不可獨殺我不

意當老見壯子被刑戮也行矣去女東歸埽除墓地耳
遂去歸郡見昆弟宗人復為言之後歲餘果敗東海莫
不賢知其母延年兄弟五人皆有吏材至
大官東海號曰萬石嚴嫗亦見續列女傳

羊舌之族先

知滅門

春秋時晉公族有羊舌氏左傳閔二年云晉伐
臯落氏羊舌大夫為尉正義曰羊舌氏也爵為

大夫此人生職職生銅鞮伯華叔向叔魚叔虎為羊舌四
族或曰羊舌氏姓李名果有人盜羊而遺其頭不敢不
受受而埋之後盜羊事發辭連李氏李氏掘羊頭而示
之以明已不食惟識其舌舌存得免號曰羊舌氏此羊
舌之族所自始也事見春秋正義云先知滅門者按左
傳序叔虎之敗云初叔向之母妬叔虎之母美而不使
其子皆諫其母母曰深山大澤實生龍蛇彼美余懼其
生龍蛇以禍汝汝敝族也國多大寵不仁人間之不亦
難乎余何愛焉使往視寢生叔虎美而有勇力褻懷子
嬖之故羊舌氏之族及於難及伯石之敗傳又云初叔

向欲娶申公巫臣氏其母欲娶其黨叔向曰吾母多而
庶鮮吾慙舅氏矣其母曰子靈之妻殺三夫一君一子
而忘一國兩卿矣可無慙乎吾聞之甚美必有甚惡是
鄭穆少妃姚子之子子貉之妹也子貉早死無後而天
鍾美於是將必以是有大敗也昔有仍氏黜黑名曰玄
妻后夔樂正取之生伯封實有豕心貪惓無厭忿類無
期謂之封豕有窮后羿滅之夔是以不祀且三代之亡
共子之廢皆是物也女何以爲哉夫有尤物足以移人
苟非德義則必有禍叔向懼不敢取平公強使取之生
伯石伯石始生子容之母走謁諸姑曰長叔姒生男姑
視之及堂聞其聲而還曰豺狼之聲也狼子野心非是
莫喪羊舌氏矣遂弗視又叔魚之敗晉語云叔魚生其
母視之曰是虎目而豕喙鳶肩而牛腹谿壑可盈是不
可厭也必以賄死遂弗視羊舌之母蓋嘗三言而三當
焉列女傳稱羊叔子之妻叔向叔魚之母爲羊叔姬盜
羊之事藉叔姬之言埋而不食爲防害遠疑矣滕王序

云自攜老入閨蒸蒸色養及丁母憂杖而後起是子山有母嚴姬叔姬自喻其母之賢明也此章喻庾氏世德及已而喪如水因流激而源濁木為枝敗而根傷嚴家五子萬石未取其歡羊舌四宗三言盡識其敗汚吾世矣負阿母矣見子山蒸蒸色養之義焉

蓋聞磨礪脣吻脂膏齒牙

漢書東方朔對曰臣觀其齒牙吐脣吻左傳子革曰摩

礪以須說文曰帶角者脂無角者膏膏肥也

臨風扇毒

後漢書西域傳曰身熱頭痛風災鬼難之

域釋法顯遊天竺記云西度流沙屢有熱風惡鬼過之必死蔥嶺冬夏有雪有毒龍若犯之則風雨晦冥飛砂揚礫遇此難無一全也

向影吹沙

干寶搜神記曰有物處於江水其名曰蜮一曰短狐能含沙射

人所中者頭痛發熱劇者至死今俗謂之溪毒先儒以男女同川而浴淫女為主亂氣所生也洪範五行傳曰

蜮射人生於南越謂之短狐抱樸子曰有短狐一名蜮

一名射工一名射影其實水蟲也狀如鳴蜩狀似三合

盃有翼能飛無目而利口中有橫物角弩如聞人聲緣

口中角弩以氣為矢因水射人中者即發瘡中影者亦

病不治殺人又沙虱與射工相似皆殺人以火炙燎遍

身則此蟲墮也毛詩義疏曰短狐一名射影如鼃三足

今俗謂之水弩也鮑照苦熱行含沙射流影是也博物

志曰江南山谿中水射工蟲甲類也長一二寸口中有

弩形氣射人影隨所著處發瘡不治則是以敬而遠之

殺人今鸚鵡蝮蟲溺人影亦隨所處生瘡

豺有五子論語子曰敬鬼神而遠之爾雅吁可畏也鬼

有一車周易曰載鬼一車此章喻入魏之後歷經險阻見字文楊氏諸君易姓而興晉護膝適之屬

爭權相殺扇風射影如鬼如豺于山

雖蒙歎至然羈旅之臣皆可不與也

庚子山集

二八

蓋聞虛舟不忤令德無虞忠信為琴瑟仁義為庖廚是

以從莊生則萬物自細

史記曰莊子者蒙人也名周莊子齊物論曰天下莫大於秋毫

之末而泰山為小莫壽於殤子而彭祖為天天地與我並生而萬物與我為一

歸老氏則衆有

皆無

史記曰老子者楚苦縣厲鄉曲仁里人也姓李氏名耳字伯陽諡曰聃周守藏之史也老子脩道德

其學以自隱無名為務太史公曰老子所貴虛無因應變化於無為老子曰常無欲以觀其妙常有欲以觀其竅玄之又玄衆妙之門又曰有之以為利無心以為用又曰天下萬物生於有有生於無此章言世事任虛船吾心求令德思江海之士細萬物而獨往讀道德之經貴虛無而自得

蓋聞三關頓足長城垂翅既羈既旅非才非智

言已羈旅長安

也後漢書光武贊曰四關重擾翰曰四關謂長安也此
云三關亦謂長安按西魏都關中漢書項籍傳曰三分
關中立章邯為雍王司馬欣為塞王董翳為翟王以關
中之地曾為三秦故云三關理物論曰秦築長城楚辭
曰羈旅而無友生王逸

是以烏江艤檝知無路可歸

史記

曰項王欲東渡烏江烏江亭長艤船待謂項王曰江東
雖小地方千里衆數十萬人亦足王也願大王急渡今
獨臣有船漢軍至無以渡項羽笑曰天之亡我我何渡
為徐廣曰艤音儀一音我駟案應劭曰艤正也孟康曰

艤附也附船著岸也如淳曰南方人謂
整船向岸曰艤索隱曰鄒誕本作樣船

白雁抱書定無

家可寄

漢書蘇武傳曰昭帝即位數年匈奴與漢和親
漢求武等匈奴詭言武死後漢使復至匈奴常

惠請其守者與俱得夜見漢使具自陳道教使者謂單
于言天子射上林中得雁足有繫帛書言武等在其澤

中使者大喜如惠語以讓單于單于視左右而驚謝漢使曰武等實在武以始元六年春至京師此章喻已思歸雖切而故國都非梁元帝楚國已亡江陵絕無歸路陳武帝有嫡既育建業豈復為冢岳陽固有深讎空存樣械石頭無非篡逆安用寄書所以周陳通好流寓各歸庾信王褒雖惜而不遣乎然終甘於漢之陵律也

庾子山集卷九

欽定四庫全書會要卷一萬三千五百四十七

集部

庾子山集卷十

周 庾信 撰

錢塘倪璠纂註

讚

黃帝見廣成子讚

莊子曰黃帝聞廣成子在崆峒之上故往見之
廣成子南首而臥黃帝頓下風膝行而進再拜
稽首而問曰治身奈何而可以長久廣成子
語以至道黃帝拜稽首曰廣成子之謂天矣

治身紫府問政青丘

抱樸子曰黃帝東到青丘見紫府
先生受三室內文以劾召萬神又

曰項曼都言到天上先過紫府金牀玉几晃晃昱昱東方朔十洲記曰長洲一名青丘在南海辰巳之地一洲之上專是林木故名青丘司馬相如烏有賦曰秋田乎青丘服虔曰青丘國在東海東三百里郭璞云青丘山名有田亦有國出

龍湖鼎沒丹竈珠流

史記曰黃帝採首山銅以鑄鼎

鼎成有龍下迎地仙去小臣攀龍髯而上者七十二人魏地上記曰弘農湖縣有軒轅黃帝登仙處郊祀志曰少君言上祀竈皆可致物致物而丹砂可化為黃金黃金成以為飲食器則益壽益壽而海中蓬萊仙者迺可見之以封禪則不死者黃帝是也

疎雲即雨落木先秋

莊子廣成子曰自而治天下雲

氣不待族而雨草木不待黃而落

至道須極長生可求

即莊子云黃帝問治身奈何而

可以長久廣成子語以至道是也

堯登壇受圖讚

尚書中候曰帝堯即政七十載脩壇河洛仲月
辛日禮備至於日稷榮光出河休氣四塞龍馬
銜甲赤文綠色登壇吐甲圖宋均曰稷側也論
語考比識仲尼曰吾聞帝堯率舜等升首山觀
河渚見五老入於河一老曰河圖將來告帝期
又一老曰山川魚鼈荷聖恩又一老曰河圖推
龍銜玉繩歌訖五
老飛於天入於昴

登壇洛汭沈玉河湄

許慎曰水涯曰汭釋名曰湄湄也
臨水如眉臨目也尚書中候曰堯

沈璧於河白雲起迴風搖落言帝
堯築壇洛水之涯臨河沈玉也

丹圖馭馬綠甲乘龜

鄭康成以為河圖洛書龜龍銜負而出如中候所說龍
馬銜甲赤文綠色甲似龜背表廣九尺上有列宿斗正

之度帝王錄紀興亡之數是也
孔安國以為河圖即八卦是也
榮光上幕休氣連帷尚書

中候曰帝堯文明榮光出河休氣四塞
鄭康成曰休美也四塞炫耀四方也
雖存克讓於見

文思

堯典曰欽明文思安安

舜舞干戚讚

尚書禹拜昌言曰俞班師振旅乃誕敷文德舞干羽於兩階七旬有苗格

平風變律擊石來儀

杜預曰歌者吹律以詠八風周禮凡樂有一變至九變虞書曰於予

擊石搏石百獸率舞又曰蕭韶九成鳳凰來儀

先齊七政更服三危

虞書曰璫璣玉衡以

齊七政孔安國曰七政日月五星各異政也書又曰寬三苗於三危孔安國曰三危西裔括地志云三危山有

峰故曰三危俗亦名卑羽山在沙州墩煌縣東南三十里

朱干獨舞玉戚空麾

尚書正義

曰釋言云干杆也孫炎曰干楯自蔽杆也以楯為人杆通以干為楯名故干為楯郭璞曰舞持以自蔽弱故明堂位云朱干玉戚以舞大武戚斧也是武舞執斧執楯也南風一曲恭已無為

禮記曰昔

者舜作五絃之琴以歌南風恭已無為見論語

禹渡江讚

呂氏春秋曰禹南省方濟於江黃龍負舟舟中
之人五色無主禹仰視天而嘆曰吾受命於天
竭力以養人生性也死命也奈何憂於龍焉龍
俛首低尾而逝則禹達乎死生之命利害之經
也

三江初鑿九谷新成

禹貢曰三江初入史記索隱注韋昭云謂吳松江錢塘江陽江地理

志有南江中江北江是為三江其南江從會稽吳縣南

東入海中江從丹陽蕪湖東北至會稽陽羨縣東入海

北江從會稽毗陵縣北東入海故下文東為中江又東

為北江孔安國曰有北有東南可知也吳地記云松江

東北行七十里得三江口東北入海為婁江東南入海

為東江并松江為三江史記曰惟禹之功為大披九山

按山之深處為谷故詩云高風飛鷁涌水起龍驚

岸為谷是九山得稱九谷矣

曰鷁水鳥也畫其象於船首淮

南子曰龍舟鷁首天子之乘也

繫辭曰樂天知命故不憂即禹所

謂受命於天生性死命之說也

漢書師古曰櫂

所以刺船也

危舟遂靜亂櫂還平

樂天知命無待憂生

周易

漢書音義

湯解祝網讚

呂氏春秋曰湯見祝網者置四面其祝曰從天墜者從地出者從四方來者皆離吾網湯曰嘻盡之矣非桀孰為此者湯收其三面置其一面更教祝者曰昔蛛蝥作網罟今之人學紆欲左者左欲右者右欲高者高欲下者下吾取其犯命者漢南之國閭之曰湯之德及禽獸矣四十國歸之人置四面未必得鳥湯去其三面置其一面以網其國四十非徒網鳥也

連珠兩起合玉雙沈穀為祥樹桑成樂林

史記殷本紀云太戊立亳

有祥桑穀生於朝一暮大拱太戊懼問伊陟伊陟曰帝之政其有闕與帝修其德太戊從之而祥桑穀枯死殷復興諸侯歸之故稱中宗尚書孔安國傳曰祥妖怪也二木合生不恭之罰左氏傳曰宋公享晉侯於楚邱請

以桑林杜預曰桑林天子之樂名皇甫謐
云殷樂一名桑林以桑林為大獲別名也
三方落網一

面驅禽德矣聖政仁乎用心

文王見呂尚讚

史記曰呂尚以漁釣干周西伯西伯將出獵卜
之曰所獲非龍非鸞非虎非羆所獲霸王之輔
於是周西伯獵果遇太公於渭之陽與語大悅
曰自吾先君太公曰當有聖人適周周以興子
真是耶吾太公望子久矣故號
之曰太公望載與俱歸立為師

言歸養老

語出孟子

垂釣西川

西川渭濱也

岸止磻石溪惟小船

酈元水經注曰磻溪中有泉謂之茲泉積水為陣即太
公釣處今謂之凡谷有石壁深高幽邃人跡罕及東南

渴有石室蓋太公所居水次盤石釣處即太公垂釣之所其投竿跪餌兩膝遺跡猶存是磻溪之稱也其水清冷神異北流十里注於渭

風雲未感意氣怡然

易曰雲從龍風從虎言未遇文王之

時釣此磻溪其意氣怡然樂也

有此相望於茲幾年

望謂太公望也

武丁迎傅說讚

史記曰帝武丁即位思復殷而未能其佐三年不言政事決定於冢宰以觀國風武丁夜夢得聖人名曰說以夢所見視羣臣百吏皆非也於是乃使百工營求之野得傅說於傅巖中是時說為胥靡築於傅巖見於武丁武丁曰是也得而與之語果聖人舉以為相殷國大治故遂以傅巖姓之

號曰傅說

虞田路斷辭澗泉飛躬勞版築有弊韋衣賢臣入夢天

賜無違千巖之下遂得同歸

皇甫謐曰高宗夢天賜賢人胥靡之衣蒙之而來曰

我徒也姓傅名說天下得我者豈徒也哉武丁悟而推之曰傅者相也說者懽悅也天下當有傅我而悅民者哉明以夢視百官百官皆非也乃使百工圖寫其形象求諸天下果見築者胥靡衣褐帶索執役於虞虢之間傅巖之野名說以其得說傅巖謂之傅說尸子云傅巖在北海之洲孔傳言虞虢之界也

成王刻桐葉封虞讚

呂氏春秋曰成王與唐叔虞燕居援梧葉以為珪而授唐叔曰余以此封汝虞喜以告周公周公以請曰天子其封虞耶成王曰余一人與虞戲也周公對曰臣聞之天子無戲言天子言則

史書之工誦之士稱之
於是遂封叔虞於晉

虞叔百里居河之汾帝刻桐葉天書掌文

左傳昭元年
子產曰唐叔

虞當武王邑姜方震大叔夢帝謂已余命而子曰虞遂
與之唐屬諸參而蕃育其子孫及生而有文在其手曰
虞遂以命之及成王滅唐而封大叔焉故參為晉星由
是觀之則實沈參神也昔金天氏有裔子曰昧為玄冥
師生臺駘能業其官宣汾洮障大澤以處太原帝用嘉
之封諸汾川沈叔蓐黃實守其祀今晉主汾而滅之矣
由是觀之則臺駘汾神也是晉之建國
居河之汾也天書掌文謂參為晉星也

禮以成德樂以

歌薰天子無戲唐其有君

漢高祖置酒沛宮讚

漢書曰高祖姓劉氏諱邦字季沛豐邑中陽里人也項羽封為漢王俊平羽立為天子高祖還過沛留置沛宮召故人父老子弟佐酒發沛中兒得百二十人教之歌酒酣上擊筑自歌大風起兮雲飛揚威加海內兮歸故鄉安得猛士兮守四方

遊子思舊來歸沛宮還迎故老更召歌童雖欣入沛方

念移豐

漢書地理志云京兆新豐高祖七年置應劭曰太上皇思東歸於是高祖改築城市街里以象

豐徙豐民以實之故號新豐

酒酣自舞先歌大風

漢武帝聚書讚

後漢書翟酺上言曰武帝大合天下之書注云武帝詔曰其令禮官勸學舉遺興禮舉遺謂披

求遺逸是合天下之書也此讚聚書當謂是矣

獻書路廣藏書柱開

劉歆七畧曰漢武帝開獻書之路一年之間書積如丘山史記曰老

子周守藏室之史也索隱曰藏室史乃周藏書室之史也又曰張蒼為御史主柱下方書索隱曰周秦皆有柱

下史所掌及侍立恒在殿柱之下故老聃為柱下史

秦儒出谷漢簡吹灰

衛宏詔定古文

官書序曰秦始皇改古文為篆隸國人多謗乃召諸生至者皆拜為郎凡七百人密令冬月種瓜於驪山刪谷中溫處瓜實使往視之先為伏機諸生方相論辨發機填之以土皆終命顏師古漢書注曰今新豐溫湯之處號慙儒鄉溫湯西南三里有馬谷谷之西岸有阮古老相傳以為秦阮儒處也漢簡吹灰者謂求之於秦人灰

燼之餘也

芝泥印上玉匣封來

言漢時得書皆金繩玉檢也

坐觀風俗不

出蘭臺

續漢書曰蘭臺令史六人秩六百石掌書劾奏及印主文書

袁盎諫文帝讚

史記曰孝文帝出趙同驂乘袁盎伏車前曰臣聞天子所與共六尺輿者皆天下豪英今漢雖乏人陛下獨奈何與刀鋸餘人載於是大笑下趙同趙同泣下車文帝從霸陵上欲西馳下峻阪袁盎騎並車擎轡上曰將軍怯耶盎曰臣聞千金之子坐不垂堂百金之子不騎衡聖主不乘危而徼幸今陛下縱自輕奈高廟太后何上乃止袁驚車敗陛下縱自輕奈高廟太后何上乃止袁

字或作爰

千乘峻轍六轡危行

東都賦曰千乘雷起萬騎紛紜濟曰千乘萬騎天子法駕也詩曰六

轡在手峻轍危
行謂下峻阪也

跡迴松坂山叙

疑作

柳城

松坂峻坂也水經注曰霸

水西巡嶢關

龍淵地狹華蓋風驚

龍淵劍名吳越春秋曰楚王召風胡子而

告之曰寡人聞吳有干將越有歐冶寡人欲因子請此
二人作劍可乎曰可乃往見二人作劍一曰龍淵又三
輔黃圖有龍淵廟在茂陵東華蓋天子之蓋也崔豹古
今注云黃帝所作又西京雜記曰終南山有樹直上百
丈無枝上結蘂條如車蓋葉一青一赤望之
斑駁如錦繡長安謂之丹青樹亦云華蓋樹

可謂忠貞

賢臣謂袁盎也

賢臣攬轡

朱雲折檻讚

漢書曰朱雲字游魯人也成帝時丞相故安昌侯張禹以帝師位特晉甚尊重雲上書求見公

卿在前雲曰今朝廷大臣上不能匡君下亡以
益民皆尸位素餐孔子所謂鄙夫不可與事君
苟患失之無所不至也臣願賜尚方斬馬劍斬
佞臣頭一人以厲其餘上問誰也對曰安昌侯
張禹上大怒曰小臣居下訕上廷辱師傅罪死
不敢御史將雲下雲攀檻檻折雲呼曰臣得下
從龍逢比干遊於地下足矣未知聖朝何如耳
於是左將軍辛慶忌免冠解印綬叩頭殿下曰
此臣素舊狂直於世使其言是不可誅其言非
固當容之臣敢以死爭慶忌叩頭流血上意解
然後得已及後當治檻上曰
勿易因而輯之以旌直臣

上書直諫有忤明君先求斬馬遂請魚文身摧欄檻義

烈風雲應從御史翻賴將軍

應從御史者謂上怒御史
將雲下也翻賴將軍者謂

左將軍辛慶忌以
死爭乃得免也

周公戒伯禽讚

尚書大傳曰伯禽與康叔朝於成王見周公三
見而三答之康叔有駭色乃與伯禽問於商子
商子曰南山之陽有木名橋北山之陰有木名
梓二子盍往觀焉二子往觀之見橋木高而仰
見梓木實而俯反以告商子商子曰橋者父道
也梓者子道也二子明日復見入門而趨登堂
而跪周公迎拂其首而勞之曰汝安
見君子乎二子以實對公曰君子哉

伯禽居魯鳴玉來朝周公政治為國風謠北山有梓南
山有橋禮容雖備俯仰無驕

五月披裘負薪讚

皇甫謐高士傳曰披裘公者吳人也延陵季子出遊見道中有遺金顧披裘公曰取彼金投鎌公瞑目拂手而言曰何子處之高而視人之卑五月披裘而負薪豈取金者哉季子大驚既謝而問姓名公曰吾子皮相之士何足語姓名也

披裘當夏俗外為心雖逢季子不拾遺金禽巢欲遠魚沈惟深清聲滅跡何必山林

王祥扣冰魚躍讚

晉書曰王祥字休徵瑯邪臨沂人性至孝後母朱氏常欲生魚時天寒冰凍祥解衣將剖冰求

之冰忽自解雙魚
躍出持之而歸

王祥之母鮮鱗是求冰連釣浦凍塞寒流精誠有感無
假沈鉤二老同膳雙魚共浮

孫叔敖逢蛇讚

賈誼新書曰孫叔敖為兒時出道上見兩頭蛇
殺而埋之歸見其母泣問其故對曰夫見兩頭
蛇者必死今出見之故爾母曰蛇今安在對曰
恐後人見殺而埋之矣母曰夫有陰德必有陽
報爾無憂也後遂興於
楚朝及長為楚令尹

叔敖朝出容悴歸家母氏顧訪知埋怪蛇爾有陰德陽

報將加終為楚相卒享榮華

高鳳好書不知流麥讚

後漢書曰高鳳字文通南陽葉人也少為書生
家以農畝為業而專精誦讀晝夜不息妻嘗之
田曝麥於庭令鳳護雞時天暴雨而鳳持竿誦
經不覺潦水流麥妻還怪問鳳方悟之其後遂
為名儒乃教授
業於西唐山中

高鳳好學專心不迴流連經笥對翫書臺石門雲渡銅
梁雨來來麥流雖遠書卷猶開

張良遇黃石公讚

史記曰留侯張良者其先韓人也韓破悉以家財求客刺秦王為韓報讐以大父父五世相韓故秦皇帝東遊良與客俱擊秦皇於博浪沙中誤中副車秦求賊甚急乃更名姓亡匿下邳嘗間從容步遊下邳圯上有一老父衣褐至良所直墮其履圯下顧謂良曰孺子下取履良愕然欲歐之為其老強忍下取履父曰履我良業為取履因長跪履之父曰孺子可教矣後五日明與我會此良因怪之跪曰諾五日平明良往父已先在怒曰與老人期後何也去曰後五日早會五日雞鳴良往父又先在怒曰後何也去曰後五日復早來五日良夜半往有頃父亦來喜曰當如是出一編書曰讀此則為王者師矣後十年興十三年孺子見我濟北穀城山下黃石即我矣遂去無他言不復見旦日視之書乃太公兵法也

張良取履跪受無辭兵書一卷長者三期昔稱韓相今

為漢師穀城餘石還歸舊祠

史記曰留侯欲從赤松子遊乃學辟穀道引輕身始

所見下邳圯上老父與太公兵書者後十三年從高帝過濟北果見穀城下黃石取而葆祠之留侯死并葬黃

石冢每上冢伏臘祠黃石留侯

師尚父授丹書讚

竹書紀年曰紂四十二年周武王元年西伯發受丹書於呂尚又曰季秋之甲子赤爵銜書及豐置於昌戶昌拜稽首受其文要曰姬昌蒼帝子亡殷者紂王將畋史編卜之曰將大獲非熊非羆天遣太師以佐昌臣太祖史疇為禹卜得皋陶其兆類此至於磻溪之水呂尚釣於涯王

下趨拜曰望公七年乃見光景於斯尚立變名
答曰望鈞得玉璜其文要曰姬受命昌來提攜
爾洛鈴報在齊尚出遊見赤人自授尚書命曰
台佐昌者子文王夢月著其身又鷺鷥鳴於岐
山孟春六旬五緯聚房後鳳凰銜書遊文王之
都書又曰殷帝無道虐亂天下星命不移不得
復久靈祇遠離百神吹去五星聚房昭
理四海文王既沒太子發立是為武王

尚父一遇周王是親赤雀既下丹書已陳自論秉鉞長
別垂綸獨有磻石留名渭濱

榮啓期三樂讚

列子曰孔子遊於泰山見榮啓期行乎邱之野
鹿裘帶索鼓琴而歌孔子問曰先生所以樂何

也對曰吾樂甚多天生萬物惟人為貴而吾得為人是一樂也男女之別男尊女卑故以男為貴吾得為男矣是二樂也人生有不見日月不免襁褓者吾既行年九十矣是三樂也貧者士之常也死者人之終也處常得終當何憂哉孔子曰善乎能自寬者也

榮期三樂惟人與年夫子相遇即以為賢性靈造化風雲自然雅琴雖古獨有鳴絃

夫子見程生讚

子華子孔子贈篇曰子華子反自郟遭孔子於途傾蓋而顧相語終日甚相親也孔子命子路曰取束帛以贈先生子路屑然而對曰由問之士不中道相見女嫁無媒君子不以交禮也有問

又顧謂子路子路又對如初孔子曰固哉由也詩不云乎有美一人清揚婉兮邂逅相遇適我願兮今程子天下之賢士也於斯不贈則終身弗能見也小子行之亦見韓詩外傳

程生夫子一遇相知薄言傾蓋桑陰遂移清揚共美賢聖同羈陳詩難別贈絹傷離

鉏麇見趙盾讚

左氏傳曰晉靈公不君宣子驟諫公患之使鉏麇賊之晨往寢門闢矣盛服將朝尚早坐而假寐麇退嘆而言曰不忘恭敬民之主也賊民之主不忠棄君之命不信有一於此不如死也觸槐而死

趙盾將朝端衣整笏

禮曰笏天子以球玉諸侯以象大夫以魚須文竹士竹又曰將適公

所以書思對命

鉏麇受命銜冠怒髮惆悵賢臣顧瞻城闕利劍

不抽青槐先絕

蔡澤就唐生相讚

史記曰蔡澤者燕人也遊學于諸侯小大甚衆
不遇而從唐舉相曰吾聞先生相李兌曰百日
之內持國秉政有之乎曰有之曰若臣者何如
唐舉孰視而笑曰先生曷鼻巨肩鰓鰓鰓膝
拳吾聞聖人不相殆先生乎蔡澤知唐舉戲之
乃曰富貴吾所自有吾所不知者壽也願聞之
唐舉曰先生之壽從今以往者四十三歲蔡澤
笑謝而去謂其御者曰吾持梁刺齒肥躍馬疾

驅懷黃金之印結紫綬於腰揖讓人主之前食
肉富貴足矣後西入秦說應侯秦昭王召見與
語大悅拜
為客卿

蔡澤羈旅唐生決疑無勞神策不問靈龜富貴自取年
壽須期雖云異相會待逢時

李陵蘇武別讚

漢書曰李陵字少卿天漢二年陵率步卒五千
人出塞與匈奴戰力屈乃降匈奴中蘇武字子
卿使匈奴二十年不降昭帝即位匈奴與漢和
親漢求武等於是李陵置酒賀武曰今足下還
歸揚名於匈奴功顯於漢室雖古竹帛所載丹
青所畫何以過子卿陵雖驚怯令漢且贖陵罪

全其老母使得奮大辱之積志庶幾乎曹柯之盟此陵宿昔不忘之志也收族陵家為世大戮陵尚復何顧乎已矣令子卿知吾心耳異域之人一別長絕陵起舞歌曰徑萬里兮度沙漠為君將兮奮匈奴路窮絕兮矢刃摧士眾滅兮名已隕老母已死雖欲報恩將安歸陵泣下數行

因與
武決

李陵北去蘇武南旋歸驂欲動別馬將前河橋兩岼臨路悽然故人此別知應幾年

樊噲見項王讚

漢書鴻門之會樊噲聞事急乃持楯撞入項羽目之間之為誰張良曰沛公驂來樊噲項羽曰

壯士賜之卮酒彘肩噲飲酒拔劍切肉食之項
羽曰復能飲乎曰臣死且不懼豈特卮酒乎且
沛公先入定咸陽暴師霸上以待大王大王今
日至聽小人之言與沛公有隙臣恐天下解心
疑大王也項羽默然沛公如廁麾噲去既出沛
公留車騎獨騎馬噲等四人步從從山下走歸
霸上軍而使張良謝項羽羽亦因遂已無誅沛
公之心是日微樊噲奔入營譙讓項羽沛公幾
殆後數日項羽屠咸陽立沛公
為漢王漢王賜樊噲為臨武侯

樊噲將軍漢王車右不憚鋒刃何辭卮酒霸上屯軍鴻

門固守

應劭曰霸上地名在長安東三十里古曰滋水
秦穆公更名霸上師古曰霸水上也即今所謂

霸頭孟康曰鴻門在新豐東
十七里舊大道北下阪口名

持謝范增惟留玉斗

漢書
高帝

紀云使張良獻璧項羽受之又獻玉斗范增范增怒撞其斗起曰吾屬今為沛公虜矣

秦穆公飲盜駿馬讚

呂氏春秋曰昔者秦穆公乘馬右服失之野人取之穆公自往求之見野人方將食之於岐山之陽穆公笑曰食駿馬之內不飲酒余恐傷汝也徧飲而去韓原之戰晉人已環穆公之車矣晉梁靡已扣公左騂矣野人嘗食馬於岐山之陽者三百有餘人畢刀為穆公疾鬪於車下遂大剋晉乃獲惠公以歸

駿馬遇盜秦王不嗔先傾美酒翻畏傷人鄰兵向國窮寇侵秦於時大盜還作功臣

延陵季子遇徐君讚

新序曰延陵季子將西聘晉帶寶劍以過徐君
徐君不言而色欲之季子為有上國之事未獻
也然心許之矣使於晉顧反則徐君
死矣於是以劍掛徐君墓樹而去

徐君有禮季子惟賢經過一遇如舊依然人非別後心
許生前長松雖合寶劍猶懸

鶴讚

并序

武成二年春三月雙白鶴飛集上林園大將鄭偉

鄭偉字子

直榮陽開封人也周
書有傳注見墓誌銘

布弋設置並皆禽獲六翮已摧雙

心俱怨相顧哀鳴孤雄先絕孀妻向影天子愍焉信奏

事階墀立使為讚

天子周明帝也時子山為司憲中大夫

九臯遙集三山迴歸

毛詩曰鶴鳴於九臯聲聞於天漢書郊祀志曰蓬萊方丈瀛洲此三

神山在渤海中

華亭別淚洛浦仙飛

語林曰陸機為河北都督聞警角之聲謂孫丞曰聞

此不如華亭鶴唳故臨刑而有此嘆見世說注列仙傳曰周靈王太子晉好吹笙作鳳鳴遊伊洛間道士浮邱公接上嵩山二十餘年後來山上告桓良曰告我家七月七日待我緱氏山頭果乘白鶴駐山巔望之不得舉手謝時

不妨離繳先遭見羈

離平聲說文曰繳生絲縷也

籠摧月羽

弋碎霜衣

月羽霜衣言鶴之白也

塞傳餘號關承舊名

幽明錄曰陶公在尋

陽西南一塞取魚自謂其池曰鶴門梁元帝表
臣自擁旄鶴塞昭明答湘東書掩鶴閣而高臥

南遊湘

水東入遼城

神仙傳曰蘇仙公者桂陽人也乘白鶴飛
去自後有白鶴來止郡城東北樓上人或

挾彈彈之鶴以爪攫樓板似漆書云城廓是人民非三
百甲子一來歸吾是蘇公彈何為至今修道之人每至

甲子曰焚香禮於仙公之故第也搜神後記曰丁令威
本遼東人學道於靈虛山後化鶴歸遼集城門華表柱

歌曰有鳥有鳥丁令威去家千年今始
歸城廓如故人民非何不學仙家紫雲

雲飛欲舞露落

先鳴六翮摧折九門嚴閉

戰國策莊辛曰奮其六翮而
凌清風楚辭曰虎豹九閭言

天有九門無
可訢究也

相顧哀鳴肝心斷絕松上長悲琴中永別

王韶之神境記曰滎陽郡有孤松千丈常有雙鶴晨必
接翮夕輒偶影蔡邕琴操曰商陵牧子娶妻五年無子

父兄欲為改娶牧子援琴鼓之歌
別鶴以舒其憤憑故曰別鶴操

庾子山集卷十

謹案卷九第六頁後二行數十萬之衆遂降秦刊
本遂上行衆字今刪

第二十七頁前三行貪憚無饜刊本憚訛琳今改
卷十第十二頁後八行士不中道相見刊本訛作
士不中間見據韓詩外傳改

第十五頁後二行秦穆公飲盜駿馬讚刊本公訛
王今改

總校官進士臣胡榮

校對官助教臣金學詩

膳錄監生臣張同翼

欽定四庫全書薈要

集部
庚子山集卷十二

詳校官原任編修臣徐立綱



欽定四庫全書薈要卷一萬三千五百四十八集部

庾子山集卷十一

周 庾信 撰

錢塘倪璠纂註

文 序 傳

答移市教

昔張楷碩儒尚移弘農之市

後漢書曰張楷字公超除長陵令不至官隱居弘農

山中學者隨之所居成市後華陰山南遂有公超市

宜官妙篆猶致酒壚之客

恒衛

四體書序曰上谷王次仲善隸書始爲楷法至靈帝好書世多能者而師宜官爲最甚矜其能每書輒削焚其



札梁鵠乃益爲版而飲之酒候其醉而竊其札鵠卒以工書至選部尚書宜官後爲索術將今鉅鹿宋子有耿

球碑是術所立其書甚工云是宜官書也

況復德總郇周聲高梁楚

郇故國名左氏

傳曰畢原鄆郇文之昭也汲郡古文曰晉武公滅郇以賜大夫原點是爲郇叔又云文公城郇臣瓚云在晉之境內河東有郇城即古郇國班彪北征賦曰息郇郇之邑鄉郇周地也貨殖傳曰洛陽東賈齊魯南賈梁楚

希風慕義之士舉袂成帷卧轍反車之流摩肩相接

戰國

策蘇秦說齊宣王曰臨淄之途車轂擊人肩摩連袂成帷舉袂成幕遂使王充閭市之處

遠出荒郊

後漢書曰王充字仲任會稽上虞人也好博覽而不守章句家貧無書嘗游洛陽市肆閱

所賣書一見輒能誦憶

石苞販鐵之所翻臨崖岸

晉書曰苞

苞字仲容渤海南皮人也被使到鄴事久不決乃貶鐵
於市市長沛國趙元儒名知人見苞異之因與結交嘆
苞遠量當至公
輔由是知名
聖德謙虛未忘諠湫
左氏傳曰湫隘

小欲令吹簫舞鶴還反舊鄧史記稱伍子胥鼓腹吹簫

王闔閭葬女於國西閭門乃舞白鶴於吳市中令萬民
隨而觀之還使男女與鶴俱入美門因發機以掩之殺

生以賣卜屠羊請辭新閭漢書曰蜀有嚴君平卜筮于

足自養則閉肆下簾而授老子又三輔黃圖曰司馬季

主卜於東市莊子曰楚昭王失國屠羊說走而從於王

昭王反國將賞從亡者及屠羊說屠羊說曰大王失國

說失屠羊大王反國說亦反屠羊臣之爵祿已復矣又

何賞之有遂不受也崔豹古

今注曰關市垣閭市門也而交貿之黨好留豳岐之

衆難遣

廣雅曰貿易也史記周本紀曰公劉子慶節立國於豳古公亶父立薰育戎狄攻之古公去豳

渡漆沮踰梁山止於岐下豳人舉國扶老攜弱盡復歸

古公於岐下索隱曰豳即邠也徐廣曰岐山在扶風美

陽西北其

南有周原

文

移齊河陽執事文

周書武帝紀曰天和四年夏四月乙巳齊遣使來聘以正月辛卯朔推之當是四月二十二日來聘二十七日移文也下篇云大司馬齊國公知是齊王宇文憲所移也高氏受東魏禪國號曰齊時河陽爲彼所屬故移

周天和四年四月二十七使持節車騎大將軍儀同三

司大都督陝西總管府移齊河陽執事

陝西總管齊王憲也憲本傳及

碑文云天和元年徵還雍州牧雍州陝西也

自疆場卧鼓邊鄙收烽義讓之

行未能期月孔城誨盜即值苞藏

周書云天和四年齊將獨孤求業來寇盜

殺孔城防主能奔達以城應之通典云河南府壽安縣有九曲城所謂九阿也高齊置孔城防以備周在縣東南左傳鄭行人子羽曰大國無乃包藏禍心以圖之是以板載之師須時而以自

安封域非求拒防

詩云縮板以載博物志曰齊南有長城巨防陽關之險

雖復風

塵暫接旗鼓無侵五將即迴雙嶠已靜

李陵答蘇武書云五將失道陵

獨遇戰左氏傳曰秦穆公召孟明西乞乙使出師襲鄭蹇叔之子與師哭而送之曰晉人禦師必于崤崤有

二陵焉其南陵夏后皋之墓也其北陵文王之所避風雨也謝朓和王著作八公山詩曰雙崤望河漢以崤有

二陵稱雙崤矣

始奉朝旨獲彼移書令受叛城使迴軍實

左氏傳曰

以數軍實想彼邊司已奉處分既有此還輒須領納未知何

日可遣戍兵指附行人遲能速報盟且不渝隣境相善
顧瞻原野幸甚實多故移

又移齊河陽執事文

周天和四年十一月十日陝州總管長史梁昕移齊河

陽執事

周書云梁昕字元明安定烏氏人也天和初自徵拜工部中大夫出爲陝西總管府長史

拭玉繼書通關去傳

儀禮曰賓朝立東西面賓人北面坐拭圭鄭注賓使者拭清之也漢

書音義曰舊出入關皆用傳傳煩因裂襦帛分持後復出合之以爲符信言周齊通好也周書天和四年四月

齊遣使來聘是也

實謂上方銷劍山陽息馬

漢書顏師古注云尚方少府之屬官

也使供御器物故有斬馬劍也尚書武成篇曰歸馬華山之陽孔傳曰欲使自生自死示天下之不復乘用

過茲禦客或慢重局

周易曰重門擊柝以禦暴客說文曰局門之闕也

屬故司

疆陰行善盜君一臣二上穆下乖

司疆司疆場之官謂齊將獨孤永業也永

業來冠盜殺孔城防主言君方修好而臣有貳心上行和順而下獨乖戾蓋責之也國家以邊鄙

心搖須固備守大司馬齊國公天子介弟中軍元帥

謂齊

煬王憲也武成二年封齊國公天和三年拜大司馬憲爲太祖宇文泰之第五子武帝之弟也駕馭孫

吳驅馳貌虎

孫武吳起也述異記曰貌之爲獸狀如虎豹而小

舉因農隙義異

城郎師巡我境曾非反鄆

周書武帝紀云天和四年八月庚辰盜殺孔城防主以其

地入齊九月辛卯遣柱國齊國公憲率衆於宜陽築崇德等城春秋隱元年夏四月費伯帥師城郎杜注魯邑高平方與縣東有郁郎亭九年傳曰夏城郎書不時也文十二年季孫行父帥師城鄆杜云城陽姑幕縣南有員亭即鄆也昭元年傳云季武子伐莒取鄆莒人告於會楚告於晉請戮其使趙孟曰莒魯爭鄆爲日久矣

縮載之畢前旗已迴

詩大雅綿云其繩則直縮板以載毛傳云繩謂之縮釋器云繩謂之

縮孫炎曰繩束築版謂之縮郭璞云縛束之也

彼國兵馬不防

彼國謂齊也

殿後餘

塵遂至相接

左氏傳曰猛也殿又曰孟之側後入以爲殿殿丁練反後軍也

建旌壘

疑作

壘

上未及五申安鄴城防先驚七伏

史記曰孫武子三令五申之左傳宣

十二年邲之戰云士李使鞏朔韓穿帥七覆於敖前杜云爲伏兵七處也

當時鋒刃或膏原

野

漢書師古注曰鋒戈戟刃也又蘇武傳衛律曰空以身膏草野班固東都賦曰原野厭人之肉

所獲

彼將夏州刺史梁老首領今以相還尸鄉不遠無令久

客

漢書地理志河南郡偃師縣尸鄉殷湯所都後漢書曰溫序爲隗囂所殺喪到洛陽賜城傍地爲塚長子

壽夢序曰久客思鄉里壽即上書乞骸骨歸葬

馬驢甲兵具條相勒封人宜依

領納宿無聞志不獲交綏致此埃塵誰階其咎故移

周禮

封人掌爲畿封而樹之鄭注畿上有封若今時界也左氏傳曰潁考叔爲潁谷封人祭仲足爲祭封人宋高哀爲蕭封人論語有儀封人皆以地方封人蓋封人職典封疆居在邊邑潁谷儀祭皆是國之邊邑也左傳文十二年曰乃皆出戰交綏杜注云古名退軍爲綏晉志未能堅戰短兵未至爭而兩退故曰交綏正義曰魏武引司馬法云將軍死綏舊說綏却也詩云誰生厲階

移虜留使文

周書建德五年二月辛酉遣皇太子斌巡撫西土仍討吐谷渾戎事節度並宜隨機專決按武帝母皇太后叱奴氏以建德三年三月癸酉崩至建德五年三月戊申祥文云入境以來國祥

甫過至遣使相隨永敦隣睦知虜謂吐谷渾也
吐谷渾遣使入境在建德五年二月發遣彼使
在次年春初建德
六年正月所移也

年月朔日某官告配某州郡前本欲發遣彼使但某入
境以來國祥甫過自秋迄冬未申款接

周書云建德三年三月癸酉皇

太后叱奴氏崩帝居倚廬朝夕共一溢米羣臣表請累
旬乃止詔皇太子斌總釐庶政五月庚寅葬文宣皇后
於永固陵帝袒跣至陵所辛酉詔曰齊斬之情經籍
訓近代沿革遂亡斯禮伏奉遺令既葬便除攀慕几筵
情實未忍三年之喪違乎天子古今無易之道王者之
所常行但時有未諧不得全制軍國務重庶自聽朝線
麻之節苦廬之禮率遵前典以申罔極百寮以下宜遵
遺令公卿上表固請俯就權制過葬即吉帝不許引古

禮答之羣臣乃止於是遂申三年之制五服之內皆令
依禮建德五年二月辛酉皇太子斌巡撫西土討吐谷
渾三月壬寅文宣皇后服再期戊申祥知是吐谷渾遣
使入境在於建德五年二月至三月祥是入境以來國
祥甫通也又云自秋迄冬未申
且狼星表邦嚴霜已戒

史記天官書曰五宮東有大星曰狼狼角變色多盜賊
正義曰狼一星參東南狼為野將主侵掠占非其處則
人相食色黃白而明吉赤角兵起金木火守亦
如之楚辭曰秋既戒之白露冬又申之以嚴霜
浮河亂

濟長路苦寒

禹貢曰濟河維兗州又云浮於濟漯達於
河又云入於渭亂於河孔安國曰正絕流

曰亂史記索隱曰濟水出河東垣縣王屋山東其流至
濟陰故應劭云濟水出平原陰縣東陸機詩云劇哉行
役人慢慢恒苦寒言虜使入境以來初爲國祥
又以盜賊之警所以自春至冬未申款接也
時當獻歲

維新三元告慶

楚辭曰獻歲發春兮洎吾南征三元元日謂爲歲日月之元也亦稱三朝班固

東都賦曰春王三朝

珪贄盈庭華裔參軫

周禮曰公執桓圭圭侯執

璧男執蒲璧以朝覲宗遇會同于王又曰以六禽作六贄鄭云贄之言至也所執以自致也封禪書曰百蠻執贄左氏傳曰庭實旅百左傳杜注云諸華中國又姜戎曰謂我諸戎四獄之裔胄也杜云裔遠也昭九年傳云先王居櫛杙於四裔以禦魑魅說文曰軫車後橫木也參軫言多也

式觀盛禮洽此嘉譴

陽和既動澤漸萬邦便當遣使相隨永敦隣睦故移

序

趙國公集序

周書列傳云趙王招字豆盧突幼聰穎博涉羣書好屬文學庾信體詞多輕豔武成初進封趙

國公建德二年進爵爲王

所著文集十卷行於世

竊聞平陽擊石山谷爲之調

皇甫謐曰舜都平陽虞典夔曰於予擊石搏石孔安

國曰石磬也

大禹吹筠風雲爲之動

說文曰筠竹皮也

與夫含吐性

靈抑揚詞氣曲變陽春光迴白日豈得同年而語哉

宋玉

曰陽春白雪

柱國趙國公發言爲論下筆成章逸態橫生新

情振起風雨爭飛魚龍各變

樂動聲儀曰風雨動魚龍

方之珪壁塗

山之會萬重

左傳哀十年大夫對孟孫曰禹會諸侯於塗山執玉帛者萬國

譬以雲霞

赤城之巖千丈

孔靈符會稽記曰赤城山名皆赤狀似雲霞懸雷千仞謂之瀑布飛流洒散冬

夏不竭

文參厯象即入天官之書

史記有天官書索隱曰案天文有五官官者星

官也星座有尊卑若人之官曹列位故曰天官

韻涉絲桐咸歸總章之觀

三輔黃圖

曰明堂之制

論其壯也則鵬起半天

莊子曰鵬之背不知其幾千里也怒

舜曰總章

而飛其翼若

語其細也則鷦巢蚤曉

莊子曰鷽鷽巢林不過一枝此云鷽

垂天之雲

巢鷽疑作焦蓋謂焦螟虫也列子曰江浦之間生麼虫

其名曰焦螟羣飛而集於蚊曉弗相觸也栖宿去來蚊

弗覺也張湛曰麼亡果

豈直熊熊旦上增城抱日月之

反細也字書云麼小也

光熊熊一作熊羅陸璣疏曰熊能攀緣上高樹見人則顛倒自投地而下冬多入穴而蟄始春而出脂謂之

熊白熊史記天官書說歲星云熊熊有光
按下文𩚑𩚑從熊熊爲是楚辭增城九重𩚑𩚑宵飛南

斗觸蛟龍之氣

洛誥曰無若火始𩚑𩚑孔傳云𩚑𩚑尚
微崔豹古今注曰螢火一名宵飛南斗

句即豫章記所謂豐城劍氣光
於牛斗者也劍卒化爲龍矣

昔者屈原宋玉始於哀

怨之深

史記曰屈原被放至於江濱乃作懷沙之賦懷
石自投汨羅以死屈原既死之後楚有宋玉唐

勒景差之徒皆好辭而以賦見稱皆
祖屈原之從容詞令終莫敢直諫者

蘇武李陵生於別

離之世

漢書曰蘇武字子卿京兆人武帝天漢二年以
中郎將使匈奴十九年不屈節歸漢李陵字少

卿天漢中將步卒五十擊匈奴轉鬪矢盡遂降單于以
女妻之立爲右校王在匈奴二十餘年卒詩品曰李陵
詩其源出於楚辭文多悽愴怨者之流陵名家子有殊
才生命不諧聲頽身喪使陵不遭辛苦其文亦何能至

此自魏建安之末晉太康以來雕虫篆刻其體三變

宋書

謝靈運傳論曰自漢至魏四百餘年辭人才子文體三變建安獻帝年號太康晉武帝年號也揚雄法言或問吾子少而好賦曰然童子雕虫篆刻俄而曰壯夫不爲也人人自謂握靈蛇之珠抱

荆山之玉矣

二語出曹子建與楊德祖書說苑曰昔隨侯行遇大蛇中斷疑其靈使人以藥封之

蛇乃能去因號其處爲斷蛇山歲餘蛇銜明珠徑寸絕白而有光因號隨珠卞和璧始皇以爲傳國璽也韓子曰卞和抱其璞哭於荆山之下公斟酌雅頌諧和律呂若使言乖節目

則曲臺不顧聲止操縵則成均無取

漢書曰孟卿說禮數萬言號曰后氏

曲臺記服虔曰在曲臺校書者記因以爲名師古曰曲臺殿在未央宮學記曰學不學操縵不能安絃周禮大

司樂掌成均之法以教建國之學校而合國之子弟焉

遂得棟梁文囿冠冕詞林

大雅扶輪小山承蓋

詩序曰詩有大雅焉有小雅焉羽獵賦曰齊桓公曾不足使扶輪又

曰風詡詡其扶輪楚辭序曰招隱士者淮南小山之所作也

傳

周使持節大將軍廣化郡開國公丘乃敦崇傳

崇恒州代郡鼓城縣廣義鄉孝讓里人也昔壽丘建國

賜姓者十二人

竹書紀年曰黃帝母曰附寶見大電統北斗樞星光照郊野感而孕二十五月

而生帝於壽丘史記正義曰壽丘在魯東門之北今在兗州曲阜縣東北六里皇甫謐曰黃帝生於壽丘長於

姬水因以爲姓國語胥臣云黃帝之子二十五宗其得姓者十四人爲十二姓姬酉祁己滕葢任荀嬉姑嫫依是平陽舉賢登朝者十六族皇甫謐帝王世紀堯都平陽於詩爲唐國史記曰昔

高陽氏有才子八人世得其利謂之八愷高辛氏有才子八人世謂之八元此十六族者世濟其美至於堯堯未能舉舜舉八愷使主后土舉八元使舉五教於四方事出左傳況復大電繞樞流星

入昴大電繞樞黃帝之祥注見上文流星入昴帝堯之祥論語識曰帝堯率舜游首山觀河渚視五老飛

爲流星上入昴派分源別幹其嗣興者乎魏道武皇帝以命世

雄圖飲馬河洛北史曰魏之先出自黃帝子之少子受封北國其後世爲君長魏平文皇帝生

二子長曰沙莫雄次曰什翼犍兄弟十人分爲十姓十道武帝祖帝拓中原國號曰魏

謂後魏爲拓拔氏道武以沙莫雄子嵩宗室之長爲長孫氏至魏文帝以獻帝長兄爲紇骨氏次兄普氏爲周氏次兄爲達奚氏次兄爲伊婁氏改婁氏次兄敦丘氏改爲丘氏次兄侯氏改爲万侯氏叔父之後乙旃氏爲叔孫氏疏俗車焜氏改爲車辨風吹律丘氏即其一焉氏是爲十姓見魏書及北史

魏十姓敦丘氏爲丘氏是也春秋孔演圖云孔子曰丘援律吹律有姓

五代祖邈驃騎大

將軍開府儀同三司營丘郡開國公於時天道西北既

稟謀謨

左傳董叔曰天道多在西北

馬首東南實資匡贊

左傳襄十四年荀偃

令曰雞鳴而駕塞井夷竈惟余馬首是瞻欒黶曰晉國之命未足有也余馬首欲東乃歸此言進退皆從之也

因以封名仍爲賜氏

謂邈封營丘郡賜姓丘氏也

與夫南公伯即有

連類宗則樂正非無準則

以上與夫至準則似有缺文
兼疑訛字未敢以意增改今

照原本
錄之

曾祖雙執使持節驃騎大將軍司徒青兗二州

刺史范陽文昭公洛食之始上馬治國

洛誥曰我乃卜
澗水東澠水西

惟洛食孔傳曰今河南城也漢書陸
賈曰馬上得之亦將以馬上治之乎

登庸之初昇槐論

道尚書曰疇咨若時登庸孔傳曰庸用也誰能咸熙庶
績順是者將登用之周禮曰三槐三公位焉尚書曰

惟茲三公
論道經邦

生則絕席武宮死則配祠清室

後漢張禹傳
詔令禹舍宮

中每朝見與三公絕席黃
圖曰清涼殿亦曰延清室

夫人太原王氏三世爲將四

代爲公

太原王氏出自王離次子威漢揚州刺史九世
孫霸字仲儒居太原晉陽後漢連徵不至霸生

咸咸十九世孫澤字季道雁門太守生祖字文舒魏司空京陵穆侯二子渾濟見晉書此太原氏族之盛也云三世為將者史記稱王翦子王賁王翦之孫王離又云今王離已三世將矣云四代為公者晉渾濟等是也

社稷大宗鍾鼎貴族伉儷是歸秦晉匹也

言太原本世胄之家夫人

王氏來歸於我也禮有大宗小宗漢書曰擊鍾鼎食左氏傳曰已不能庇其伉儷而亡之杜預曰伉敵也儷偶也正義曰禮謂兩皮謂儷皮儷兩也故為偶伉者相當之言故為敵也伉儷者言是相敵之匹偶又左傳懷羸曰秦晉匹也何以卑

祖提使持節衛將軍駙馬都督河

我杜注云匹敵也

交二州刺史靈壽縣開國公公子公孫聲名籍甚增輝增耀弱冠昇朝夫人清廉郡長公主孝文帝之第二女

也王姬有行車服不繫

詩序曰王姬下嫁於諸侯車服不繫其夫下王后一等

故

得衛青上將張耳賢夫

漢書曰衛青尚平陽主天文志云文昌六星一曰上將青拜大

將軍故云上將又漢書曰張耳大梁人也嘗亡命遊外黃外黃富人女甚美庸奴其夫亡邸父客曰必欲求賢

夫從張耳父願使持節大都督徐州諸軍事徐州刺史平陽

縣開國公食邑四千戶少年習象多見兵書澆沙聚石

之營却日橫雲之陣

曹瞞傳曰公軍渡渭爲馬超所衝突營不可立地又多沙不築時天

寒乃多作縑囊以運水起沙爲城以水灌之一夜而成比明城立由是公軍盡得渡渭晉書曰諸葛亮造八陣圖於魚復平沙上累石爲八行相去二丈淮南子曰魯陽公與韓戰戰酣日暮援戈而麾之日爲之反三舍風

后握奇經有

風陳雲陣 彎弧則戟破小支抽劍則泉飛枯井

曹植白馬

篇曰控弦破左的右發摧月支漢書曰貳師將軍李廣利拔佩刀刺山飛泉湧出

夫人宇文氏

周文皇之第三妹也母儀令範女師賢哲德高隆慮義

重河陽

漢書王太后第三女曰隆慮公主續列女傳曰趙皇后屬河陽主家學歌舞

魏受其

終周新其命式墓封墳追旌盛德

後漢書曰明帝遣使祠蕭何霍光帝謁園

陵過式墓史記其命閼天封比干之墓注云封謂益其土

乃贈使持節大將軍廣化

郡開國公食邑一千戶夫人贈安德郡長公主遊魂寃

結非無廣漢之城

後漢書曰陳寵轉廣漢太守先是洛縣城南每陰雨常有哭聲聞於府中

積數十年寵使吏案行還言世衰亂時此下多死亡者而骸骨不得葬儻在於是寵盡收斂葬之自是哭聲遂

絕久客思歸惟有東平之樹皇覽曰東平思王冢在無鹽人傳言王在國思歸京

師後葬其冢上松栢皆西靡也自永安以來魏室大壞北史云魏莊帝諱子攸彭城王

勳之第三子也武泰元年明帝崩大都督爾朱榮謀廢立陰與帝通率衆來赴帝與兄弟夜北渡河會榮于河

陽即皇帝位是年改元永安海水羣飛天星亂動楊雄劇秦美新曰海水羣飛漢書劉

向封事諫曰夜中星隕如雨禮樂征伐不出於人主舉賢誅暴議在

於強臣謂爾朱榮也北史云榮以兵權在己遂有異志乃害靈太后及幼主次害無上王等後復表請

追諡無上王爲皇帝餘俱有贈子孫聽立後授封爵舉賢如以前太尉江陽王繼爲太師以下是也誅暴如討

葛榮檻送京師斬於都市是也三年帝殺榮於明光殿
帝卒爲爾朱氏所弑爾朱世隆立廣陵惠王羽之子恭

是爲

高丞相驅率風雲奄荒齊晉

北史云高歡渤海蓍人也普泰元年廢帝

閔帝

即位於信都西改元中興以渤海王高歡爲丞相二年
爲大丞相歡既敗爾朱氏廢帝自以疎遠遜位歡立武

帝永興二年高歡大

我舅氏文皇帝駕馭龍虎據有周

破爾朱氏山東平

秦南北渝盟東南敵怨

謂周太祖宇文泰也北史魏武帝紀曰永興三年帝內圖高歡

乃以斛斯椿爲領軍使與王政思統之以爲心膂軍謀
朝政咸決於椿分置督將及河南關西諸刺史帝親總
六軍十餘萬次河橋高歡引軍東渡帝出宇文泰遣李
賢和等各領數百騎會帝於崤中高歡入洛遣婁昭等
追帝不及宇文泰遣大都督趙貴等甲騎二千來赴乃
奉迎迎過河泰迎帝於東陽帝勞之將士皆呼萬歲遂

入長安以雍州公解爲宮大赦是爲西魏高歡東還洛陽歡推清河王亶子善見爲主徙都鄴是爲東魏魏於此始分爲二周本紀云普回子莫那自山陰南徙始居遼西是日獻侯爲魏舅甥之國故曰舅氏既而

各受圖書並當珪璧

謂高氏宇文氏後俱受命爲帝也河圖洛書帝王之符也左氏傳曰

當璧而拜者神所立也北史云魏大統十六年東魏靜帝遜位於齊是爲文宣皇帝諱洋神武第二子也魏恭帝三年遜位於周是爲閔帝諱覺太祖第三子也高氏宇文氏並爲帝矣百姓則父南子北

兄東弟西事主則憂親求生則慮禍大周親戚徧鍾荼炭輪之城旦下之織室關河嚴隔三十餘年

言周齊兩國爭疆東

西否隔親戚流寓或致罪戾不得遣歸也史記秦始皇本紀云黔爲城旦如淳曰律說論決爲髡鉗輪邊築長

城晝日伺寇虜夜暮築長城城旦四歲也漢書刑法志曰諸當完者完為城旦春又外戚傳曰漢使曹叅等擄魏王豹而薄姬輸織室

天厭喪亂人思反德彼之風塵既靜函谷

此之冠蓋屢涉漳濱

言周齊彼此和親干戈少息也按周本紀天和六年齊遣使來聘建

德元年周遣司宗李祭小賓部賀遂禮於齊是也函谷本秦函谷關周宇文氏所都漳濱鄴地齊高氏所都周武帝詔曰偽齊叛中山冤枉之餘代郡凋殘之澤並遇

渙竊有漳濱是也

革音咸蒙禮送

中山二語言高氏廢帝自立魏之支屬皆留齊地會周齊和親乃許還其本國

也下云崇等生還是魏周戚屬由是得歸矣漢書曰中山王衍入即位是為平帝後王莽即真遂廢帝又文帝紀曰周勃等奉天子法駕迎于代邸中山指靜帝為高氏所廢若漢平帝代郡指清河王子善見本高歡所立

若漢代郎此二帝之後
向被拘囚今蒙禮送也

崇實兄弟二人相看氣息親愛

凋零方寸久亂恒山殺翮豈望同飛而安國徒中鬱爲

卿相班超絕域遂得生還

爾雅曰北岳恒山張宴漢書注云恒山在常山郡西郭璞

山海經注云雁門山即北陵西逾雁之所出因以爲名在高柳北地理志有雁門郡淮南子曰飛鳥鍛羽許慎

注云鍛殘羽也言雁之殘羽不能飛也史記曰韓安國者梁城安人也事梁孝王爲中大夫其後坐法抵罪無

何梁內史缺漢使使者拜安國爲梁內史起徒中爲二千石位至御史大夫行丞相事後漢書班超曰臣不敢

望到酒泉但願生入玉門關

天和四年

武帝之八年也

至於新邑

以上序實崇兄弟二

人自齊來歸也

朝廷以舅甥之國外內之親乃授實使持節驃

騎大將軍開府儀同三司大都督安樂縣開國公食邑

一千戶賓得免虎口仍上龍門

莊子孔子曰丘幾不免虎口哉司馬遷書曰垂

餌虎口辛氏三秦記曰河津一名龍門水險莫通魚鼈之屬莫能上江海大魚薄集龍門下數千不得上上則

爲龍也聲價已高風焱即遠方欲討論國耻申雪家冤橫

尸原野是所甘心時不我與先從朝露春秋若干

言賓先崇

死也衛國興文子之慟長安有詔葬之悲

衛國興文子之慟者疑引衛公

叔文子公孫發卒也漢書曰霍去病薨上悼之發屬國玄甲軍陣自長安至茂陵爲冢象祁連山

乃贈

本官加少傅蒲虞勲三州諸軍事蒲州刺史以天和六

年平鄴都年某月日葬於長安之洪瀆原妻青州石氏長城

郡君庠子孤莞生妻嫠室即能有節還成守義崇蒙授

使持節大都督驃騎大將軍開府儀同三司廣化縣開

國公食邑一千戶昆季二人同年上將彤廷交映榮戟

相臨西都實曰玉階彤庭崔豹古今注曰榮戟及之遺象也詩所謂伯也執殳為王前驅前驅之器也以

木為之後世滋偽無復典刑以赤油韜之亦謂之油戟亦謂之榮戟王公以下通用之昔二馮同

德繼踵當官漢書曰成帝時馮野王為上郡太守後弟立亦自五原太守徙西河上郡居職公庶

百姓歌之曰大馮君小馮君兄弟繼踵相因循聰明賢知惠吏民政如魯衛德化均周公康叔猶二君兩

杜齊名夾河爲郡

漢書杜周傳曰始周爲廷史有一馬及久任事列三公而兩子夾河爲郡

守家譽累

巨萬矣

比斯榮寵彼將慙色俄然賓疾奄捐館舍崇

兄弟勝衣備罹禍酷同氣長養得及全人今者來歸更

連凶閔每一悲慟行路傷心撫養愛子情深馬援之慈

後漢書馬援傳曰兄況卒援行服期年不離墓所敬事寡嫂不冠不入廬援有誠兄子嚴書

恭事寡

嫂義甚顏含之孝

晉書曰顏含字弘都瑯琊華人也凡歲咸寧中得疾就醫月擦遂死於醫

家家人迎喪施每繞樹而不可解引喪者顛仆稱歲言曰我壽命未死但服藥太多傷我五臟今當復活慎無葬也其婦及家人夢之曰吾當生復可急開棺而父不聽含時尚少乃慨然曰非常之事自古有之今靈異至

此開棺之痛孰與不開相負父母從之乃共發棺果有生驗以手刮棺指爪盡傷然氣息甚微存亡不分飲食所須託之以夢闔家營視頓廢生業雖在母妻不能無倦矣含棄絕人事躬親侍養不出戶庭者十有三年歲竟不起含二親既終兩兄繼沒次嫂樊氏因疾失明含課勵家人盡心撫養每日自嘗省藥饌察問息耗必替履東帶醫人疏方應須髯地膽而尋求備至無由得之含憂嘆累時嘗晝獨坐忽有一青衣童子年可十三四持一青囊授含含開視乃地蟾也童子化青鳥飛去得膽藥成嫂病即愈由是著名已上序賓卒崇克盡弟道也

天和六年授大將軍餘如故龍庭賞出塞之功玉門勞

旋師之寵異代同和見之今日

後漢書班固燕然山銘曰焚老上之龍庭注云

匈奴五月大會龍庭祭其天地鬼神今皆焚蕩之又耿恭傳曰恭引兵據疎勒匈奴攻恭恭厲士衆擊走之數

月食盡困窮稍稍死亡餘數十人漢遣兵迎校尉遂相
隨俱歸發疎勒時尚有二十六人隨路死沒三月至玉
門惟餘建德二年授使持節都督宜州諸軍事宜州刺
士二人

史忽忽橫閣但有誦書曖曖重帷惟聞善政清不置水

明非舉燭

高士傳曰任棠字季卿隱身不仕龐參爲漢
陽太守到先就家俟焉棠不與言但以薤一

本水一盂置戶屏前身抱孫兒伏于戶下主簿白以爲
倨傲參思其微意良久曰棠置一盂水欲諭太守清也
投一本薤欲諭太守擊強宗也抱孫兒當戶欲諭太守
開門恤孤也韓子曰郢人有遺燕相國書者夜書火不
明因謂持燭者舉燭云而過書舉燭舉燭非書意也燕
相受書而說之曰舉燭者尚明也尚明也者舉賢而任
之燕相白王大說國以乃是入境移風非直停車待雨
治治則治矣非書意也

後漢

書曰賈琮爲冀州刺史升車命御者褰帷諸臧
過者望風解印綬去又曰鄭弘行春隨車致雨

有勅大

將軍宜州刺史廣化郡公崇自夏季無雨以迄於今雖

靡神不禱仍未降感知彼州內獨蒙滂澤諒由大將軍

精誠所致憂念郡人豐稔可希良以爲慰又勅廣化公

崇知此存心政術治勤黎人受委稱職嘉尚無已古人

有言非行之難念加勉勗以致盡善指令宣納抑操賜

齊陳物如別宜諭朕懷昔陽平太守別降紅粟之恩荆

州刺史徧蒙袞衣之賜治績尤異此之謂乎

晉書武帝
紀曰太康

十年夏四月以陽平太守梁柳有政績賜穀千斛吳都賦曰海陵之倉則紅粟流行益都耆舊傳曰郭賀拜荊州刺史明帝巡狩到南陽特賜以三公之服黼黻旒冕勅去襜露冕見此以彰其德

崇清淨爲政

廉明爲法人不忍背吏不忍欺性不飲酒無所嗜欲深

沉牆仞喜愠不形文必正詞絃惟雅曲仁義禮節是所

用心緹袂絢素愛翫無已當今四郊多壘尚有公卿之

辱

禮記曰四郊多壘此卿大夫之辱也

鼓輦不息猶勞將帥之謀

禮記曰君子聞

鼓輦之聲則思將帥之臣

語其讐耻惟願橫行死地思其報國不忝

身膏原野

漢書上將軍樊噲曰臣願得十萬衆橫行匈奴中揚子法言曰秦將白起長平之戰四十

萬人死原野厭人之
肉川谷流人之血
但今天假之年時綏之福忠貞之

事公其取焉畧書梗槩陳之直史

後漢書杜篤論都賦序曰故畧其梗槩不敢具

陳注云梗槩
猶麤畧也

庾子山集卷十一